

四庫全書

子部

欽定四庫全書

子部
類經卷四

詳校官太醫院八品吏目臣黃發

編修臣倉聖脈覆勣

總校官知縣臣楊懋珩

校對官中書臣范來宗

謄錄監生臣李鳳丹

欽定四庫全書

類經卷四

明 張介賓 撰

藏象類

老壯少小脂膏肉瘦之別

靈樞衛氣失常篇○十八

黃帝問於伯高曰人之肥瘦大小寒溫有老壯少小別

之奈何

寒溫者言稟有陰陽也

伯高對曰人年五十已上為老二

十已上為壯十八已上為少六歲已上為小黃帝曰何

以度知其肥瘦伯高曰人有肥有膏有肉

肥者卽下文所謂脂也

黃帝曰別此奈何伯高曰腠肉堅皮滿者肥腠肉不堅

皮緩者膏皮肉不相離者肉

腠肉肉之聚處也此言偉壯之人而有脂膏肉三者

之異脂者繁而滿故下文曰肉堅身小膏者澤而大故下文曰肉淖垂腴皮肉連實而上下相應者曰肉故下

文曰身體容大腠肉允切

黃帝曰身之寒溫何如伯高曰膏者其

肉淖而羸理者身寒細理者身熱脂者其肉堅細理者

熱羸理者寒

淖柔而潤也膏者肉淖脂者肉堅若其寒熱則羸理者皆寒細理者皆熱淖音鬧

黃帝曰其肥瘦大小奈何伯高曰膏者多氣而皮縱緩

故能縱腹垂腴肉者身體容大脂者其身收小

縱寬縱也腴脂

肥也膏者縱腹垂腴脂者其身收小是膏肥於脂也
肉為皮肉連貫自與脂膏者有間○縱去聲腴音俞黃

帝曰三者之氣血多少何如伯高曰膏者多氣多氣者

熱熱者耐寒肉者多血則充形充形則平脂者其血清

氣滑少故不能大此別於衆人者也

膏者多氣氣為陽故質熱而耐寒也

肉者多血血養形故形充而氣質平也脂者血清而氣

滑少故不能大若此三者雖肥盛皆別於衆人而脂者

之氣血似不及乎膏肉也○愚按世傳肥白之人多氣

虛而此云膏者多氣不無相左若據余聞見之驗則蒼
瘦之氣虛者固不減於黃帝曰衆人奈何伯高曰衆人
肥白是以不宜膠柱也
皮肉脂膏不能相加也血與氣不能相多故其形不小

不大各自稱其身命曰衆人

衆人者言三者之外衆多之常人也其皮肉脂膏血

氣各有品格故不能相加亦不能相多而形體大小皆相稱而已

黃帝曰善治之奈何

伯高曰必先別其三形血之多少氣之清濁而後調之

治無失常經

三形既定血氣既明則宜補宜寫自可勿失常經矣

是故膏人縱腹

垂腴肉人者上下容大脂人者雖脂不能大也

此重言其詳也

血氣陰陽清濁

靈樞陰陽清濁篇全○十九

黃帝曰余聞十二經脈以應十二經水者其五色各異

清濁不同人之血氣若一應之奈何

十二經水義詳經絡類三十三此言

經脈經水各有清濁之異而人之血氣如一其何以分別應之岐伯曰人之血氣苟能

若一則天下為一矣惡有亂者乎

人之血氣若果如一則天下皆同當無雜

亂矣蓋言其必不能同也○惡音烏

黃帝曰余問一人非問天下之衆岐

伯曰夫一人者亦有亂氣天下之衆亦有亂人其合為

一耳

察之一人亦有亂氣况於天下乎故推於一人即可以知天下然則人已血氣本不一而不一之理

也則一黃帝曰願聞人氣之清濁岐伯曰受穀者濁受氣

者清

人身之氣有二曰清氣曰濁氣濁氣者穀氣也故曰受穀者濁清氣者天氣也故曰受氣者清二者

總稱真氣刺節真邪篇曰真氣者所受於天與穀氣并而充身也五味篇曰天地之精氣其大數常出三入一

故穀不入半日則氣衰一日則氣少
矣是指入者為天氣出者為穀氣
清者注陰濁者注

陽喉主天氣故天之清氣自喉而注陰陰者五藏也
咽主地氣故穀之濁氣自咽而注陽陽者六府也濁

而清者上出於咽清而濁者則下行清濁相干命曰亂

氣濁之清者自內而出故上行清之濁者自外而入故
下行一上一下氣必交并二者相合而一有不正則

亂氣出乎其中矣黃帝曰夫陰清而陽濁濁者有清清者有濁

清濁別之奈何岐伯曰氣之大別清者上注於肺濁者

下走於胃胃之清氣上出於口肺之濁氣下注於經內

積於海大別言大槩之分別也上文以天氣穀氣分清濁而此言清中之濁濁中之清其所行復有不

同也清者上升故注於肺濁者下降故走於胃然而濁中有清故胃之清氣上出於口以通呼吸津液清中有濁故肺之濁氣下注於經以為血脉營衛而其積氣之所乃在氣海間也上氣海在膻中下氣海在丹田黃

帝曰諸陽皆濁何陽濁甚乎岐伯曰手太陽獨受陽之

濁手太陽獨受陰之清

手太陽小腸也小腸居胃之下承受胃中水穀清濁未分穢汚

所出雖諸陽皆濁而此其濁之濁者也故曰獨受陽之濁手太陽肺也肺者五藏六府之蓋也為清氣之所注雖諸陰皆清而此其清之清者也故曰獨受陰之清其清者上走空竅其濁者下

行諸經

此即上文胃之清氣上出於口肺之濁氣下注於經之義空孔同諸陰皆清足

太陰獨受其濁

足太陰脾也胃司受納水穀而脾受其氣以為運化所以獨受其濁而為清中

之濁也

黃帝曰治之奈何岐伯曰清者其氣滑濁者其氣

澇此氣之常也故刺陰者深而留之刺陽者淺而疾之

此又以鍼下之氣言清濁陰陽也清者氣滑鍼利於速濁

者氣澇鍼利於遲陰者在裏故宜深而留之陽者在表故宜淺而疾之其或清中有濁濁中有清乃為清濁相干當察其孰微孰甚而酌其數以調之也

首面耐寒因於氣聚

靈樞邪氣藏府病形篇○二十

黃帝問於岐伯曰首面與身形也屬骨連筋同血合於氣耳天寒則裂地凌冰其卒寒或手足懈惰然而其面

不衣何也

人之頭面身形本同一氣至於猝暴嚴寒則地裂水冰肢體為之凜慄而面獨不懼故以

為岐伯荅曰十二經脉三百六十五絡其血氣皆上於

面而走空竅

頭面為人之首凡周身陰陽經絡無所不聚故其血氣皆上行於面而走諸竅○空

孔其精陽氣上走於目而為睛精陽氣者陽氣之精華也故曰五藏六府之精

氣皆上注於目而為之精其別氣走於耳而為聽別氣者旁行之氣也氣自兩側上行

於耳氣達則竅聽所以能聽其宗氣上出於鼻而為臭宗氣大氣也宗氣積於胸

中上通於鼻而行其濁氣出於胃走脣舌而為味濁氣

也穀入於胃氣達其氣之津液皆上燻於面凡諸氣之

於脣舌所以知味

燻於面如脉度篇曰五藏常內閱於上七竅也故肺氣通於鼻心氣通於舌肝氣通於目脾氣通於口腎氣通於耳此五藏之氣皆上通乎七竅不獨諸陽經絡乃得上頭也而皮又厚其肉堅故天

氣甚寒不能勝之也厚肉堅異於他處而寒氣不能勝

之也○愚按本篇所言首面耐寒之義原無陰陽之分考之四十七難曰人面獨耐寒者何也然人頭者諸陽

之會也諸陰脉皆至頸胷中而還獨諸陽脉皆上至頭耳故令面耐寒也此說殊有不然夫頭為諸陽之會則

是曰陰不上頭則非蓋陰陽升降之道亦焉有地不交天藏不上頭之理即如本篇有曰諸陽之會皆在於面

蓋言面為陽聚之處而非曰無陰也義見疾病類三又如陰陽別論曰三陽在頭三陰在手蓋一言陽明主表

指人迎也一言太陰主裏指脉口也亦非云陰不上頭也又如本輸篇所列頸項諸經行次止言六陽而不言

也

陰者蓋單言諸陽之次序如傷寒止言足經而手在其中之意亦非無陰之謂也難經之意本據此數者而實未究其詳觀太陰陽明論曰陰氣從足上行至頭而下行循臂至指端陽氣從手上行至頭而下行至足及本篇所謂十二經脈三百六十五絡其血氣皆上於面而走空竅豈陰經獨不上頭耶第近代所傳經穴諸圖亦但云陽穴上頭而陰穴止於胷腋者蓋陽穴之見於肌表者若此而陰脈之內行者不能悉也矧陰陽表裏俱有所會故但取陽穴則可為陰經之帥而陰亦在其中矣及詳考經脈等篇則手足六陰無不上頭者今列諸脈於左以便明者考校○手少陰上挾咽走喉嚨繫舌本出於面繫目系合目內眥○手厥陰循咽喉嚨出耳後合少陽完骨之下○手足少陰太陰皆會於耳中上絡左角○手太陰循喉嚨○足少陰循喉嚨繫舌本上至項結於枕骨與足太陽之筋合○足太陰合於陽明上行結於咽連舌本支者結舌本貫舌中散舌下○足厥

陰循喉嚨之後上入頤額絡於舌本連目系上出
額與督脈會於巔其支者從目系下頰裏環唇內

堅弱勇怯受病忍痛不同○附酒悖

靈樞論勇
篇全○二

一十

黃帝問於少俞曰有人於此並行並立其年之長少等
也衣之厚薄均也卒然遇烈風暴雨或病或不病或皆
病或皆不病其故何也卒音猝少俞曰帝問何急黃帝曰

願盡聞之急者先也少俞曰春青風夏陽風秋涼風冬寒風

凡此四時之風者其所病各不同形春之青風得木氣
夏之陽風得火氣

秋之涼風得金氣冬之寒風得水氣凡此四時之風各有王有所王則有所制故其所病各不同形也黃

帝曰四時之風病人如何少俞曰黃色薄皮弱肉者不

勝春之虛風

黃者土之色黃色薄皮弱肉者脾氣不足也故不勝春木之虛風虛風義見運氣類

三十

五 白色薄皮弱肉者不勝夏之虛風

白者金之色白色薄皮弱肉者

肺氣不足也故不勝夏火之虛風而為病

青色薄皮弱肉不勝秋之虛風

青者

木之色青色薄皮弱肉者肝氣不足也故不勝秋金之虛風而為病

赤色薄皮弱肉不勝

冬之虛風也

赤者火之色赤色薄皮弱肉者心氣不足也故不勝冬水之虛風而為病

黃帝

曰黑色不病乎少俞曰黑色而皮厚肉堅固不傷於四

時之風其皮薄而肉不堅色不一者長夏至而有虛風

者病矣

黑者水之色黑色而皮薄肉不堅及色時變而不一者腎氣不足也故不勝長夏至之虛風

而為病其皮厚而肌肉堅者長夏至而有虛風不病矣其

皮厚而肌肉堅者必重感於寒外內皆然乃病黃帝曰

善

若黑色而皮厚肉堅者雖遇長夏之虛風亦不能病但既感於風又感於寒是為重感既傷於內又傷於

外是為外內俱傷乃不免於病也然則黑色而皮肉堅者誠有異於他色之易病者矣

○黃帝曰

夫人之忍痛與不忍痛者非勇怯之分也夫勇士之不

忍痛者見難則前見痛則止夫怯上之忍痛者聞難則

恐遇痛不動夫勇士之忍痛者見難不恐遇痛不動夫

怯士之不忍痛者見難與痛目轉面盼恐不能言失氣

驚悸一本無顏色變更一本作乍死乍生余見其然也

不知其何由願聞其故此問能忍痛與不能忍痛者非

而有不能忍痛者見難雖不恐而見痛則退矣怯士之

氣餒而有能忍痛者聞難則恐而遇痛不動也又若勇

而忍痛者見難與痛皆不懼怯而不忍痛者見難與痛

則目轉眩旋面盼驚顧甚至失言變色莫知死生此四
者之異各有
所由然也
少俞曰夫忍痛與不忍痛者皮膚之薄厚
肌肉之堅脆緩急之分也非勇怯之謂也
此性質之當辨也
黃

帝曰願聞勇怯之所由然少俞曰勇士者目深以固長
衡直揚三焦理橫其心端直其肝大以堅其膽滿以傍
怒則氣盛而胷張肝舉而膽橫皆裂而目揚毛起而面

蒼此勇士之由然者也

目者五藏六府之精也目深以固藏氣之堅也長衡濶大也即

從衡之意直揚視直而光露也三焦理橫凡剛急者肉必橫柔緩者肉必縱也其心端直者剛勇之氣也大以堅滿以傍者傍即傍開之謂過於人之常度也怒則氣盛而胷張皆裂而目揚者勇者之肝膽強肝氣上衝也毛起者肝血外溢也面蒼者肝色外見也此皆勇士之由然然則勇怯之異其由於肝膽者為多故肝曰將軍之官而取
決於膽
黃帝曰願聞怯士之所由然少俞曰怯士者

目大而不減陰陽相失其焦理縱髑髕短而小肝系緩

其膽不滿而縱腸胃挺脇下空雖方大怒氣不能滿其

胃肝肺雖舉氣衰復下故不能久怒此怯士之所由然

者也

減當作緘封藏之謂目大不緘者神氣不堅也陰陽相失者血氣易亂也即轉盼驚顧之意其焦理

縱者肉理不橫也髑髕短小者其心卑小而甘出入下也肝系緩者不急也膽不滿而縱者汁少形長也腸胃

挺者曲折少也脇下空者肝氣不實也此其肝膽不充氣不能滿以故旋怒旋衰是皆怯士之由然○愚按勇

者剛之氣怯者懦之質然勇有二曰血氣之勇曰禮義之勇若臨難不恐過痛不動此其資稟過人然隨觸而

發未必皆能中節也若夫禮義之勇固亦不恐不動而其從容有度自非血氣之勇所可並言者蓋血氣之勇

出乎肝禮義之勇出乎心苟能守之以禮制之以義則血氣之勇可自有而無充之以學擴之以見則禮義之勇可自無而有昔人謂勇可學者者在明理養性而已然則勇與不勇雖由肝膽而其為之主者則仍在乎心耳

縱平聲鬪音結於

黃帝曰怯士之得酒怒不避勇士者何藏

使然少俞曰酒者水穀之精熟穀之液也其氣慄悍其入於胃中則胃脹氣上逆滿於胃中肝浮膽橫當是之

時固比於勇士氣衰則悔與勇士同類不知避之名曰

酒悖也

慄急也悍猛也酒之性熱氣悍故能脹胃浮肝上氣壯膽方其醉也則神為之惑性為之亂自

比於勇而不知避及其氣散肝平乃知自悔是因酒之所使而作為悖逆故曰酒悖○愚按酒為水穀之液血

為水穀之精酒入中焦必求同類故先歸血分凡飲酒者身面皆赤即其徵也然血屬陰而性和酒屬陽而氣酒悍血欲靜而酒動之血欲藏而酒亂之血無氣不行故血亂氣亦亂氣散血亦散擾亂一番而血氣能無耗損者未之有也又若人之稟賦藏有陰陽而酒之氣質亦有陰陽蓋酒成於釀其性則熱汁化於水其質則寒故陽藏者得之則愈熱陰藏者得之則愈寒所以縱酒不節者無論陰陽均能為害凡熱盛而過飲者陽日勝則陰日消每成風痺腫脹寒盛而過飲者熱性去而寒質留多至傷腎敗脾當其少壯則旋耗旋生固無所覺及乎中衰而力有不勝則宿孽為殃莫能禦矣然則酒悖之為害也所關於壽元者非細其可不知節乎○慄音

飄悍
音早

耐痛耐毒強弱不同

靈樞論痛篇
○二十二

黃帝問於少俞曰筋骨之強弱肌肉之堅脆皮膚之厚薄腠理之疎密各不同其於鍼石火焮之痛何如腸胃之厚薄堅脆亦不等其於毒藥何如願盡聞之

焮火焮也灸灼

之類毒藥謂藥之峻利者人有能勝毒者有不能勝毒者義見末節○焮如稅切

少俞曰人之

骨強筋弱肉緩皮膚厚者耐痛其於鍼石之痛火焮亦

然黃帝曰其耐火焮者何以知之少俞荅曰加以黑色而美骨者耐火焮黃帝曰其不耐鍼石之痛者何以知之少俞曰堅肉薄皮者不耐鍼石之痛於火焮亦然

美骨

者骨強之謂。○砭音邊石鍼也。黃帝曰人之病或同時而傷或易已或

難已其故何如少俞曰同時而傷其身多熱者易已多

寒者難已

此皆指外邪致病為言也多熱者病在陽分故易已多寒者病在陰分故難已黃帝

曰人之勝毒何以知之少俞曰胃厚色黑大骨及肥者

皆勝毒故其瘦而薄胃者皆不勝毒也

胃厚者藏堅色黑者表固骨大

者體強肉肥者血盛故能勝峻毒之物若肉瘦而胃薄者氣血本屬不足安能勝毒藥也勝平聲

奇恒藏府藏寫不同

素問五藏別論○二十三

黃帝問曰余聞方士或以腦髓為藏或以腸胃為藏或

以為府敢謂更相反皆自謂是不知其道願聞其說

方士

謂明悟方術之士藏府之稱異同不一故欲辨正之也即在本經亦有之矣如靈蘭秘典論曰願聞十二藏之相使六節藏象論曰凡十一藏取決於膽也是亦此類岐伯對曰腦髓骨脉膽女

子胞此六者地氣之所生也皆藏於陰而象於地故藏

而不寫名曰奇恒之府

凡此六者原非六府之數以其藏畜陰精故曰地氣所生皆稱

為府然膽居六府之一獨其藏而不寫與他府之傳化者為異女子之胞子宮是也亦以出納精氣而成胎孕者為奇故此六者均稱為奇恒之府奇異也恒常也○胞音包夫胃大腸小腸三焦膀

胱此五者天氣之所生也其氣象天故寫而不藏此受

五藏濁氣名曰傳化之府此不能久留輸寫者也

凡此五者

是名六府膽稱奇恒則此惟五矣若此五府包藏諸物而屬陽故曰天氣所生傳化濁氣而不留故曰寫而不

藏因其轉輸運動故曰象天之氣魄門亦為五藏使水穀不得久藏

魄門

肛門也大腸與肺為表裏肺藏魄而主氣肛門失守則氣陷而神去故曰魄門不獨是也雖諸府糟粕固由其寫而藏氣升降亦賴以調故亦為五藏使所謂五藏者藏精氣而不寫也故

滿而不能實六府者傳化物而不藏故實而不能滿也

五藏主藏精氣六府主傳化物精氣質清藏而不寫故但有充滿而無所積實水穀質濁傳化不藏故雖有積實而不所以然者水穀入口則胃實而腸虛
食未下也食下

則腸實而胃虛

水穀下也

故曰實而不滿滿而不實也

逆順相傳至困而死

素問玉機真藏論○二十四

五藏受氣於其所生傳之於其所勝氣舍於其所生死於其所不勝病之且死必先傳行至其所不勝病乃死

凡五藏病氣有所受有所傳有所舍有所死舍留止也受氣所生者受於已之所生者也傳所勝者傳於已之所克者也氣舍所生者舍於生已者也死所不勝者死於克已者也此言氣之逆行也故

死不勝則逆故曰逆行則常死肝受氣於心傳之於脾氣舍於腎至

肺而死

此詳言一藏之氣皆能徧及諸藏也肝受氣於心者肝之子受氣於其所生也脾者肝之克

傳其所勝也腎者肝之母氣舍所
生也肺者肝之畏死所不勝也
心受氣於脾傳之於

肺氣舍於肝至腎而死脾受氣於肺傳之於腎氣舍於

心至肝而死肺受氣於腎傳之於肝氣舍於脾至心而

死腎受氣於肝傳之於心氣舍於肺至脾而死此皆逆

死也逆死之義如上文一日一夜五分之此所以占死

生之蚤暮也五分者朝主甲乙晝主丙丁四季土主戊

而藏有不勝即黃帝曰五藏相通移皆有次五藏有病

則各傳其所勝傳其所勝者如本篇下文云風入於肺

則肝傳之脾為脾風弗治則脾傳之腎曰疝瘕弗治則腎傳之心曰瘵弗治則心復反傳而行之肺法當死者是也見疾病類二十九原與此同篇所當并考

不治法三月若六月若三日若

六日傳五藏而當死

病不早治必至相傳遠則三月六月近則三日六日五藏傳徧於法

當死所謂三六者蓋天地之氣以六為節如三陰三陽是為六氣六陰六陽是為十二月故五藏相傳之數亦以三六為盡若三月而傳徧一氣一藏也六月而傳徧一月一藏也三日者晝夜各一藏也六日者一日一藏也藏惟五而傳徧以六者假令病始於肺一也肺傳肝二也肝傳脾三也脾傳腎四也腎傳心五也心復傳肺六也是謂六傳六傳已盡不可再傳故五十三難曰一藏不再傷七傳者死也又如以三陰三陽言三六之數則三者陰陽之合數六者陰陽之拆數合者奇偶交其氣拆者牝牡異其象也觀熱論云傷寒一日巨陽受之

二日陽明三日少陽四日太陰五日少陰六日厥陰亦六數也至若日傳二經病名兩感者則三數也啟玄子曰三月者謂一藏之遷移六月者謂至其所勝之位三日者三陽之數以合日也六日者謂兼三陰以數之爾是亦三六之義也故有七日而病退得生者以真元未至大傷故六傳畢而經盡氣復乃得生也易曰七日來復天行也

是順傳所勝之次

上文言逆者言藏之氣蓋五藏受克其氣必逆故曰

逆行此言順者言病之傳凡傳所勝必循次序故曰順傳是順傳者即氣之逆也故五藏傳徧者當死故

曰別於陽者知病從來別於陰者知死生之期

陽者言表謂外

候也陰者言裏謂藏氣也凡邪中於身必證形於外察其外證即可知病在何經故別於陽者知病從來病傷藏氣必敗真陰察其根本即可知危在何日故別於陰者知死生之期此以表裏言陰陽也如陰陽別論曰所

謂陰者真藏也見則為敗敗必死也所謂陽者胃脫之陽也別於陽者知病處也別於陰者知死生之期乃以脉言陰陽也詳脉色類二十六言知至其所困而死於其所不勝也凡

年月日時其候皆然

精氣津液血脉脫則為病

靈樞決氣篇全〇二十五

黃帝曰余聞人有精氣津液血脉余意以為一氣耳今

乃辨為六名余不知其所以然

六者之分總由氣化故曰一氣而下文云六氣

者亦以形不同而名則異耳故當辨之岐伯曰兩神相搏合而成形常先

身生是謂精

兩神陰陽也搏交也精天一之水也凡陰陽合而萬形成無不先從精始故曰常先

身生是謂精。○按本神篇曰：兩精相搏，謂之神。而此曰：兩神相搏，合而成形，常先身生，是謂精。蓋彼言由精以化神，此言由神以化精。二者若乎不同？正以明陰陽之互用者，即其合一之道也。詳見本類前九。何謂

氣岐伯曰：上焦開發，宣五穀味，熏膚充身，澤毛若霧，露

之，漑是謂氣。

上焦，膈中也。開發，通達也。宣布散也。氣者，人身之大氣，名為宗氣，亦名為真氣。邪客

篇曰：宗氣積於胸中，出於喉嚨，以貫心脈而行呼吸焉。刺節真邪論曰：真氣者，所受於天，與穀氣并而充身也。營衛生會篇曰：人受氣於穀，穀入於胃，以傳於肺，五藏六府皆以受氣，故能熏膚充身，澤毛若霧，露之，溫潤而漑養萬物者，為氣也。何謂津？岐伯曰：腠理發泄，汗出溱溱，是謂津。津者，陽之液，汗者，津之泄也。腠理者，皮膚之隙，溱溱，澤貌。○溱音臻。何謂液？岐伯曰：穀

入氣滿淖澤注於骨骨屬屈伸洩澤補益腦髓皮膚潤

澤是謂液

淖澤濡潤也液者陰之津穀入於胃其氣滿而化液故淖澤而注於骨凡骨屬舉動屈伸

則經脈流行而洩其澤故內而補益腦髓外而潤澤皮膚皆謂之液○愚按津液本為同類然亦有陰陽之分

蓋津者液之清者也液者津之濁者也津為汗而走腠理故屬陽液注骨而補腦髓故屬陰觀五癰津液別篇曰三焦出氣以溫肌肉充皮膚為其津其留而不行者為液其義正與此合詳疾病類五十八○淖音鬧洩泄

同何謂血岐伯曰中焦受氣取汁變化而赤是謂血中焦

者並胃中出上焦之下凡水穀之入必先歸胃故中焦受穀之氣取穀之味輸脾達藪由黃白而漸變為赤以

奉生身者何謂脈岐伯曰壅遏營氣令無所避是謂脈是謂之血

聖過者隄防之謂猶道路之有封疆江河之有涯岸俾營氣無所迴避而必行其中者是謂之脉然則脉者非

氣非血而所以通乎氣血者也黃帝曰六氣者有餘不足氣之多少腦

髓之虛實血脉之清濁何以知之前言一氣總言之也此言六氣分言之也

蓋精氣津液血脉無非氣之所化也岐伯曰精脫者耳聾腎藏精耳者腎之竅故精脫則

耳聾氣脫者目不明五臟六府精陽之氣皆上注於目而為睛故陽氣脫則目不明津脫

者滕理開汗大泄汗陽津也汗大泄者津必脫故曰亡陽液脫者骨屬屈

伸不利色天腦髓消脛痠耳數鳴液所以注骨益腦而澤皮膚者液脫則骨

髓無以充故屈伸不利而腦消脛痠皮膚無以滋故色枯而天液脫則陰虛故耳鳴也

血脫者色

白天然不澤

血之榮在色故血脫者色白如鹽天然不澤謂枯澹無神也 其脉空虚

此其候也

脉貴有神其脉空虚即六脫之候

黃帝曰六氣者貴賤何如

岐伯曰六氣者各有部主也其貴賤善惡可為常主然

五穀與胃為大海也

部主謂各部所主也如腎主精肺主氣脾主津液肝主血心主脉也

貴賤善惡以衰旺邪正言如春夏則木火為貴秋冬則金水為貴而失時者為賤也六氣之得正者為善而太過不及者為惡也貴賤善惡主各有時故皆可為常主然六氣資於五穀五穀運化於胃是為水穀之海故胃氣為藏府之本

腸胃小大之數

靈樞腸胃篇全○二十六

黃帝問於伯高曰余願聞六府傳穀者腸胃之小大長

短受穀之多少奈何

此以水穀之自口而入以至廣腸所出之處而統問其詳也

伯

高曰請盡言之穀所從出入淺深遠近長短之度脣至

齒長九分口廣二寸半

長深也廣濶也

齒以後至會厭深三寸

半大容五合

會厭在咽喉之上乃所以分水穀司呼吸而不容其相混者也

舌重十兩

長七寸廣二寸半咽門重十兩廣二寸半至胃長一尺

六寸

咽門即食喉也其名曰咽至胃長一尺六寸乃並胃脘而言

胃紆曲屈伸之長

二尺六寸大一尺五寸徑五寸大容三斗五升

紆曲曲折也大

言周圍之數徑言直過之數餘準此平人絕穀篇曰小
其中之穀常留二斗水一斗五升而滿○鈎音于

腸後附脊左環迴周疊積其注於迴腸者外附於臍上

迴運環十六曲大二寸半徑八分分之少半長三丈二

尺

小腸居胃之下在臍上二寸所後附於脊左旋而環
其下口注於迴腸者外附近於臍上一寸當水分穴

處是也八分分之少半言八分之
外尚有如一分分之少半也餘做此迴腸當臍左環迴周

葉積而下迴運環反十六曲大四寸徑一寸寸之少半

長二丈一尺

迴腸大腸也葉積如葉之積亦疊積之義
大腸上口即小腸下口當臍左旋而下接

也廣腸廣腸傳脊以受迴腸左環葉脊上下辟大八寸徑

二寸寸之太半長二尺八寸

廣腸大腸下節也亦名直腸直腸居後繞脊而下故

曰傳脊傳布也葉脊上下言疊於脊之上下而

至尾骾也辟關同以其最廣故云辟大八寸腸胃初

入至所出長六丈四寸四分迴曲環反三十二曲也

此總

結上文自口而入自便而出之全數三十二曲合小腸大腸而言也

平人絕穀七日而死

靈樞平人絕穀篇全○二十七

黃帝曰願聞人之不食七日而死何也伯高曰臣請言

其故○胃大一尺五寸徑五寸長二尺六寸橫屈受水

穀三斗五升其中之穀常留二斗水一斗五升而滿上

焦泄氣出其精微慄悍滑疾下焦下溉諸腸

精微慄悍滑疾言水

穀之精氣也下溉諸腸言水穀之質粕也

○小腸大二寸半徑八分分之少

半長三丈二尺受穀二斗四升水六升三合合之大半

○迴腸大四寸徑一寸寸之少半長二丈一尺受穀一

斗水七升半○廣腸大八寸徑二寸寸之大半長二尺

八寸受穀九升三合八分合之一○腸胃之長凡五丈

八尺四寸受水穀九斗二升一合合之大半此腸胃所

受水穀之數也

五丈八尺四寸乃止台腸胃之數非若前篇總計唇口咽門而言也

平人

則不然胃滿則腸虛腸滿則胃虛更虛更滿故氣得上

下五藏安定血脉和利精神乃居故神者水穀之精氣

也

上文云受水穀九斗二升一合合之大半者乃言腸胃能容之總數也若平人常數則不皆然蓋胃中滿

則腸中虛腸中滿則胃中虛有滿有虛則上下之氣得以通連五藏血脉得以和調而精神乃生故神為水穀之精也故腸胃之中常留穀二斗水一斗五升故平人日

再後後二升半一日中五升七日五七三斗五升而留

水穀盡矣故平人不食飲七日而死者水穀精氣津液

皆盡故也

平人腸胃之中所存水穀惟三斗五升而已然人之二便大約日去五升當七日而盡故

平人不食飲七日而死也○古
今量數不同詳見附翼二卷

本藏二十五變

靈樞本藏篇
全○二十八

黃帝問於岐伯曰人之血氣精神者所以奉生而周於

性命者也

奉養也周給也人身以血氣為本精神為用合是四者以奉生而性命周全矣經脈

者所以行血氣而營陰陽濡筋骨利關節者也

經脈者即營氣

之道營運也滯潤也營行脈中故主於裏而利筋骨

衛氣者所以溫分肉充皮膚

肥腠理司關隘者也

肉有分理故云分肉衛行脈外故主表而司皮毛之關隘

志意

者所以御精神收魂魄適寒溫和喜怒者也

御統御也適調變也

是故血和則經脈流行營覆陰陽筋骨勁強關節清利

矣

覆包藏也

衛氣和則分肉解利皮膚調柔腠理緻密矣

音緻

致

志意和則精神專直魂魄不散悔怒不起五藏不受

邪矣

專直如易繫所謂其靜也專其動也直言其專一而正也

寒溫和則六府化穀

風痺不作經脈通利肢節得安矣此人之常平也

凡此者是

皆常人之平者也

五藏者所以藏精神血氣魂魄者也

如疾病類宣明

五氣所謂六府者所以化水穀而行津液者也此人之所以

具受於天也無愚智賢不肖無以相倚也

倚偏也一曰當作異

然

有其獨盡天壽而無邪僻之病百年不衰雖犯風雨卒

猝寒大暑猶有弗能害也

此言天稟有出常之強者

有其不離屏蔽

室內無怵惕之恐然猶不免於病何也願聞其故

此言天稟

有出常之弱者

岐伯對曰窘乎哉問也五藏者所以參天地副

陰陽而連四時化五節者也

寔言難也參叅同副配也連通也化五節者應五行

之節序而為之變化也

五藏者固有小大高下堅脆端正偏傾者

六府亦有小大長短厚薄結直緩急凡此二十五者各

不同或善或惡或吉或凶請言其方

言所以為強弱者皆由藏府之氣致

也然○心小則安邪弗能傷易傷以憂心大則憂不能傷

易傷於邪心高則滿於肺中悅而善忘難開以言心下則藏外易傷於寒易恐以言心堅則藏安守固心脆則

善病消瘴熱中心端正則和利難傷心偏傾則操持不

一無守司也

心小則怯故必多憂大則不固故邪易傷之高則滿於肺而竅多不利下則陽氣抑

而神必不揚心脆者火必易動偏傾者不得其中此其所以各有病也悅悶也消瘴內熱病也悅美本切瘴

音丹又上去二聲

○肺小則少飲不病喘喝肺大則多飲善病

胃痺喉痺逆氣肺高則上氣肩息效肺下則居賁迫肺

善脇下痛肺堅則不病欬上氣肺脆則苦病消痺易傷

肺端正則和利難傷肺偏傾則胃偏痛也

喘喝氣喘聲急也肩息咳

聳肩喘息而欬也居當作苦肺下則氣道不利故苦於賁迫而脇下痛也○賁奔秘二音

○肝小則

藏安無脇下之病肝大則逼胃迫咽迫咽則苦膈中且

脇下痛肝高則上支賁切脇悅為息賁肝下則逼胃脇

下空脇下空則易受邪肝堅則藏安難傷肝脆則善病

消痺易傷肝端正則和利難傷肝偏傾則脇下痛也

上支

賁切謂肝經上行之支脈賁壅迫切故脇為悅悶為息賁喘急也左右兩脇皆肝膽之經所以肝病者多見於

脇

○脾小則藏安難傷於邪也脾大則苦湊眇而痛不能疾行脾高則眇引季脇而痛脾下則下加於大腸下加於大腸則藏苦受邪脾堅則藏安難傷脾脆則善病消瘴易傷脾端正則和利難傷脾偏傾則善滿善脹也

湊塞也眇脇下軟肉處也季脇小肋也○眇音秒

○腎小則藏安難傷腎大則

善病腰痛不可以俛仰易傷以邪腎高則苦背脊痛不可以俯仰腎下則腰尻痛不可以俛仰為狐疝腎堅則不病腰背痛腎脆則善病消瘴易傷腎端正則和利難

傷腎偏傾則苦腰尻痛也

督音呂夾脊肉也俛俯同尻開高切尾骶骨也

凡此

二十五變者人之所苦常病

五變者曰小大曰高下曰堅脆曰端正曰偏傾也人

有五臟藏有五變是為二十五變人所苦於常病也

○黃帝曰何以知其然也岐

伯曰赤色小理者心小麤理者心大無髑髑者心高髑

髑小短舉者心下髑髑長者心下堅髑髑弱小以薄者

心脆髑髑直下不舉者心端正髑髑倚一方者心偏傾

也

理肉理也髑髑音結於鳩尾骨也

○白色小理者肺小麤理者肺大

巨肩反膺陷喉者肺高合腋張脇者肺下好肩背厚者

肺堅肩背薄者肺脆背膺厚者肺端正脇偏踈者肺偏

傾也

胃前兩旁為膺胃突而向外者是為反膺肩高胃突其喉必縮是為陷喉合腋張脇者腋斂脇開也

脇偏踈者脇骨軟斜而不密也

○青色小理者肝小麤理者肝大廣胃

反骹者肝高合脇兔骹者肝下胃脇好者肝堅脇骨弱

者肝脆膺腹好相得者肝端正脇骨偏舉者肝偏傾也

脛骨近足之細處曰骹今詳此反骹兔骹以候肝似以脇下之骨為骹也反骹者脇骨高而張也兔骹者脇骨

低合如兔也

骹音敲

○黃色小理者脾小麤理者脾大揭脣者

脾高脣下縱者脾下脣堅者脾堅脣大而不堅者脾脆

脣上下好者脾端正脣偏舉者脾偏傾也

脾氣通於口其榮在脣故

脾之善惡驗於脣而可知也

○黑色小理者腎小麤理者腎大高耳

者腎高耳後陷者腎下耳堅者腎堅耳薄不堅者腎脆

耳好前居牙車者腎端正耳偏高者腎偏傾也

腎氣通於耳故

腎之善惡驗於耳而可知也

凡此諸變者持則安減則病也

凡以上諸變使

能因其偏而善為持守則可獲安若少有損減則不免於病矣

帝曰善然非余之所問

也願聞人之有不可病者至盡天壽雖有深憂大恐怵

惕之志猶不能減也甚寒大熱不能傷也其有不離屏

蔽室內又無怵惕之恐然不免於病者何也願聞其故

減損也不可病者病不能入也不免於病者常多病也二者相遠故以為問

岐伯曰五藏六

府邪之舍也請言其故五藏皆小者少病苦焦心大愁

憂五藏皆大者緩於事難使以憂五藏皆高者好高舉

措五藏皆下者好出人下五藏皆堅者無病五藏皆脆

者不離於病五藏皆端正者和利得人心五藏皆偏傾

者邪心而善盜不可以為人平反覆言語也

五藏六府所以藏精

神水穀者也一有不和邪乃居之故曰邪之舍也

不可以為人平謂其心邪多昧便佞不可化也
○黃

帝曰願聞六府之應岐伯荅曰肺合大腸大腸者皮其

應心合小腸小腸者脉其應肝合膽膽者筋其應脾合

胃胃者肉其應腎合三焦膀胱三焦膀胱者腠理毫毛

其應

肺本合皮而大腸亦應之心本合脉而小腸亦應之膽胃皆然故表裏之氣相同也惟是腎本合骨

而此云三焦膀胱者腠理毫毛其應何也如五癰津液別篇曰三焦出氣以温肌肉充皮毛此其所以應腠理

毫毛也腎合三焦膀胱義見本類前三

○黃帝曰應之奈何岐伯曰肺應

皮皮厚者大腸厚皮薄者大腸薄皮緩腹裏大者大腸

大而長皮急者大腸急而短皮滑者大腸直皮肉不相

離者大腸結

此下皆言六府之應肺與大腸為表裏肺應皮故大腸府狀亦可因皮而知也不相

離者堅實之謂

○心應脉皮厚者脉厚脉厚者小腸厚皮薄者

脉薄脉薄者小腸薄皮緩者脉緩脉緩者小腸大而長

皮薄而脉沖小者小腸小而短諸陽經脉皆多紆屈者

小腸結

心與小腸為表裏心應脉故小腸府狀亦可因脉而知也然脉行皮肉之中何以知其厚薄但

察其皮肉即可知也冲虛也諸陽經脉言脉之浮淺而外見者也紆屈盤曲不舒之謂○紆音於

○脾

應肉肉脘堅大者胃厚肉脘糜者胃薄肉脘小而糜者

胃不堅肉脘不稱身者胃下胃下者下管約不利肉脘

不堅者胃緩肉腠無小裏累者胃急肉腠多少裏累者

胃結胃結者上管約不利也

脾與胃為表裏脾應肉故胃府之狀亦可因肉而知

也腠肉之聚處也麻細薄也約不舒也少裏累之義未詳高志齋謂揣其腠肉而少有累然結實者之謂○腠

劬允切稱去聲

○肝應爪爪厚色黃者膽厚爪薄色紅者膽薄

爪堅色青者膽急爪濡色赤者膽緩爪直色白無約者

膽直爪惡色黑多紋者膽結也

肝與膽為表裏肝應爪故膽府之狀亦可因爪

而知也結者膽氣不舒之謂

○腎應骨密理厚皮者三焦膀胱厚麤

理薄皮者三焦膀胱薄踈腠理者三焦膀胱緩皮急而

無毫毛者三焦膀胱急毫毛美而麤者三焦膀胱直稀

毫毛者三焦膀胱結也

腎與膀胱為表裏而三焦亦合於腎故上文曰腎合三焦膀胱

腠理毫毛其應所以三焦膀胱之狀可因腠理毫毛而知也

黃帝曰厚薄美惡皆有

形願聞其所病岐伯荅曰視其外應以知其內藏則知

所病矣

外形既明內藏可察病亦因而可知矣所謂病者如上文二十五變之類皆是也

身形候藏府

靈樞師傳篇二十九

黃帝曰本藏以身形支節腠肉候五藏六府之小大焉

今夫王公大人臨朝即位之君而問焉誰可捫循之而

後荅乎

本藏即前本經篇名捫摸也循摩也言王公之尊貴誰可得而摩摸將何所據而相荅也○捫

音門 捫 幼 允 切

岐伯曰身形支節者藏府之蓋也非面部之閱

也黃帝曰五藏之氣閱於面者余已知之矣以支節知

而閱之奈何

身形支節與面不同此欲以體貌之形察其藏府之候也

岐伯曰五藏

六府者肺為之蓋巨肩陷咽候見其外黃帝曰善

五藏之應

天者肺故肺為五藏六府之蓋觀巨肩陷咽者即其外候而肺之大小高下堅脆偏正可知矣大義見前篇餘

放此岐伯曰五藏六府心為之主缺盆為之道骷骨有餘

以候髑髕黃帝曰善

缺盆居肩之前骨之上五藏六府皆稟命於心故為之主而脈皆上

出於缺盆故為之道骷廣雅曰骷削也骷削即膝骨之名骷骷蔽心之骨亦名鳩尾觀乎此而心之小大高下堅脆偏正可知矣○骷音枯骷音結骷音於 岐伯曰肝者主為將使之候外

欲知堅固視目小大黃帝曰善

肝者將軍之官其氣剛強故能捍禦而使之候

外目者肝之外候故察於目則可知肝之狀矣 岐伯曰脾者主為衛使之迎糧

視脣舌好惡以知吉凶黃帝曰善

脾主運化水穀以長肌肉五藏六府皆賴

其養故脾主為衛衛者藏府之護衛也五癘津液別篇亦曰脾為之衛脾為倉廩之官職在轉輸故曰使之迎糧謂察其飲食及唇舌之善惡則脾之吉凶可知也 岐伯曰腎者主為外使之遠

聽視耳好惡以知其性黃帝曰善願聞六府之候

腎為作強

之官伎巧所出故主成形而發露於外其竅為耳故岐
試使速聽及耳之善惡則腎藏之象可因而知之矣

伯曰六府者胃之為海廣骸大頸張胃五穀乃容

骸骸骨也

廣骸者言骨骼之大又
胫骨曰骸。骸音鞋

鼻隧以長以候大腸脣厚人中

長以候小腸目下果大其膽乃橫鼻孔在外膀胱漏泄鼻

柱中央起三焦乃約此所以候六府者也上下三等藏安

且良矣

果裏同曰下囊裏也橫剛強也
固密也藏居於中形見於外故舉身面之外狀

而可以候內之六府然或身或面又必上中下三停相
等庶藏府相安而得其善矣前本藏篇以五藏之皮脉
肉爪骨而候六府其義
與此稍異所當互求

人有陰陽治分五態

靈樞通天篇
全○三十

黃帝問於少師曰余嘗聞人有陰陽何謂陰人何謂陽人少師曰天地之間六合之內不離於五人亦應之非徒一陰一陽而已也而略言耳口弗能徧明也黃帝曰願略聞其意有賢人聖人心能備而行之乎少師曰蓋有太陰之人少陰之人太陽之人少陽之人陰陽和平之人凡五人者其態不同其筋骨氣血各不等黃帝曰其不等者可得聞乎

六合之內數不離五義見下章心能備而行之乎謂賢聖之心本異

於人其有能兼備陰陽者否也。太陰少陰太陽少陽者，非如經絡之三陰三陽也。蓋以天稟之純陰者曰太陰，多陰少陽者曰少陰，純陽者為太陽，多陽少陰者為少陽，并陰陽和平之人而分為五態也。此雖以稟賦為言，至於血氣疾病之變，則亦有純陰純陽寒熱微甚及陰陽和平之異也。故陽藏者偏宜於寒，陰藏者偏宜於熱。或先陽而後變為陰者，或先陰而後變為陽者，皆醫家不可不察也。

○少師曰：太陰之人

貪而不仁，下齊湛湛。

此下言五人之情性也。下齊，謙下整齊也。湛，湛水澄貌。亦卑下自明。

之意好內而惡出，心和而不發。

心和者陰性柔也。不發者陰多藏也。內納同。

務於時。

知有已也。動而後之。

不先發也。此太陰之人也。

此其深情厚貌，奸狡

不露者是為太陰之人。

○少陰之人，小貪而賊心，心貪小利而見人

有亡常若有得

見他人之有失為自己之得志即幸災樂禍之謂

好傷好害

陰性

殘忍也

見人有榮乃反愠怒

心多忌刻憂人富貴也○愠音緼

心疾而無

思

心存嫉妬故無思也

此少陰之人也

陰險貪殘小人之品此少陰之人也

○太陽

之人居處于于

于于自足貌

好言大事無能而虛說

喜誇張而無實

濟也

志發於四野

心妄好強也

舉措不顧是非

麤疎不精也

為事如

常自用事雖敗而常無悔

為事庸常而喜自用雖至於敗而自是不移故無反悔之

心此太陽之人也

有始無終虎皮羊質此太陽之人也

○少陽之人諛諦

好自貴

諛諦審而又審也小有聰明因而自貴○諛音是諦音帝

有小小官則高自

宜局量褊淺也。好為外交而不內附。文虛也。此少陽之人也。

妄自尊貴不知大體。此少陽之人也。○陰陽和平之人居處安靜。安靜處順無妄。

動也。無為懼懼。心有所主乃能不動。貧賤不能移。威武不能屈。是無懼懼也。無為欣欣。

利欲不能入。富貴不能淫。是無欣欣也。婉然從物。君子之接人也言忠信。行篤敬。雖蠻貊之邦行。

矣。是婉然從物也。○婉音苑。或與不爭。聖人之道為而不爭。老子曰。以其不爭。故天下莫能與爭。

之與時變化。時移則事變。世更則俗易。惟聖人隨世以為法。因時而致宜。故能陰能陽。能弱能強。

隨機動靜而與化推移也。夫冰炭鉤繩。何時能合。若以聖人為之中。則兼覆而并之。未有可是非者也。尊

則謙謙。位尊而志謙也。狐丘丈人曰。人有三怨。爵高者人妬之。官大者主惡之。祿厚者怨逮之。孫叔敖

曰吾爵益高吾志益下吾官益大吾心益小吾祿益厚
吾施益博以是免於三怨可乎易曰天道虧盈而益謙
地道變盈而流謙鬼神害盈而福謙人道惡盈譚而不
而好謙謙尊而光卑而不可踰君子之終也

治是謂至治

譚而不治無為而治也無為而治治之至也子思子曰中也者天下之大本也和也

者天下之達道也致中和天地位焉萬物育焉其陰陽和平之人之謂乎

○古之善用鍼艾

者視人五態乃治之盛者寫之虛者補之

此下言五治也

黃帝

曰治人之五態奈何少師曰太陰之人多陰而無陽其

陰血濁其衛氣濇陰陽不和緩筋而厚皮不之疾寫不

能移之

無陽則氣少故血濁不清而衛氣濇滯也曰陰陽不和者四態之人無不然於此而首言之他

可繫見矣氣少不行故其筋緩陰體重濁故其皮厚皮厚血濁非疾瀉之不能移易也

少陰之人多

陰少陽小胃而大腸六府不調其陽明脉小而太陽脉

大必審調之其血易脫其氣易敗也

小胃故足陽明之胃脉亦小大腸故

手太陽之小腸脉亦大此其多陰少陽者以陽明為五藏六府之海小腸為傳送之府胃小則藏貯少而氣必微小腸大則傳送速而氣不畜陽氣既少而又不畜則多陰少陽矣必當審察而善調之然其氣少不能攝血故多致血易脫而氣易敗也 太陽之人多陽而少陰必謹調之無脫

其陰而寫其陽陽重脫者易狂陰陽皆脫者暴死不知

人也

太陽之人少陰者也陰氣既少而復寫之其陰必脫故曰無脫其陰而但可寫其陽耳然陰不足者

陽亦無根若寫之太過則陽氣重脫而脫
陽者狂甚至陰陽俱脫則暴死不知人也
少陽之人多

陽少陰經小而絡大血在中而氣外實陰而虛陽獨寫

其絡脉則強氣脫而疾中氣不足病不起也
經脉深而屬陰絡脉

淺而屬陽故少陽之人多陽而絡大少陰而經小也血
脉在中氣絡在外所當實其陰經而寫其陽絡則身強
矣惟是少陽之人尤以氣為主若寫之太
過以致氣脫而疾則中氣乏而難於起矣陰陽和平之

人其陰陽之氣和血脉調謹診其陰陽視其邪正安容
儀審有餘不足盛則寫之虛則補之不盛不虛以經取

之此所以調陰陽別五態之人者也
不盛不虛以經取
之者言本無盛虛

之可據而或有邪正之不調者
但求所在之經以取其病也

○黃帝曰夫五態之人

者相與毋故卒然新會未知其行也何以別之

此下言五人

態度也。毋音無卒音猝

少師荅曰衆人之屬不知五態之人者故

五五二十五人而五態之人不與焉五態之人尤不合

於衆者也

衆人者即下章陰陽二十五人之謂與五態之人不同故不合於衆也

黃帝曰

別五態之人奈何少師曰太陰之人其狀黢黢然黑色

念然下意臨臨然長大臃然未僂此太陰之人也

黢黢色黑

不明也念然下意意念不揚也即上文下齊之謂臨臨然臨下貌臃然未僂言臃然若屈而實非僂之疾也

蓋以太陰之人稟質陰濁故其形色志
意有如此者○黠音探二音倮音呂

少陰之人其狀

清然竊然固以陰賊立而躁嶮行而似伏此少陰之人

也清然者言似清也竊然者行如鼠雀也固以陰賊者
殘賊之心堅不可破也立而躁嶮者陰險之性時多

躁暴也出沒無常行而似伏此
則少陰人之態度○嶮險同

太陽之人其狀軒軒儲

儲反身折臙此太陽之人也

軒軒高大貌猶俗謂軒昂也
儲儲畜積貌盈盈自得

也反身折臙言仰腹挺腹其臙似折也是皆妄
自尊大之狀此則太陽人之態度○儲音除

少陽之

人其狀立則好仰行則好搖其兩臂兩肘則常出於背

此少陽之人也

立則好仰志務高也行則好搖性多動也
兩臂兩肘出於背喜露而不喜藏也

此則少陽陰陽和平之人其狀委委然隨隨然顯顯然人之態度

愉愉然踈踈然豆豆然衆人皆曰君子此陰陽和平之

人也

委委雍容自得也隨隨和光同塵也顯顯尊嚴敬慎也愉愉悅樂也踈踈周旋也豆豆磊落不亂也

若人者人人得而敬愛之故衆人皆曰君子君子者賢聖之通稱如詩指文王為豈弟君子禮運曰禹湯文武成王周公由此其選也此六君子者未有不謹於禮者之謂即陰陽和平之人其得天地之正氣者歟○顯魚

容切愉音旋

陰陽二十五人

靈樞陰陽二十五人篇全○三十一

黃帝曰余聞陰陽之人何如伯高曰天地之間六合之

內不離於五人亦應之

由陰陽而化五行所以天地萬物之理總不離五而人身之相

應者亦惟此耳。按本節引前通天篇少師之答而此云伯高者豈少師即伯高之別稱耶無考矣故五

五二十五人之政而陰陽之人不與焉其態又不合於

衆者五余已知之矣願聞二十五人之形血氣之所生

別而以候從外知內何如

五行之中又各有五如下文以五行之人而又分左之上

下右之上下是為五矣五而五之計有二十五人也然此言五行之詳非若前通天篇所謂太陽少陽太陰少陰和平五態而已故曰陰陽之人不與焉又不合於衆者五也別而以候欲別其外而知其內也。○與去聲別

入岐伯曰悉乎哉問也此先師之秘也雖伯高猶不能

明之也黃帝避席遵循而却曰余聞之得其人弗教是謂重失得而洩之天將厭之余願得而明之金櫃藏之不敢揚之岐伯曰先立五行金木水火土別其五色異其五行之人而二十五人具矣黃帝曰願卒聞之

卒盡也

岐伯曰慎之慎之臣請言之木形之人比於上角似於

蒼帝

比屬也下同角為木音蒼為木色木形之人言稟木氣之全者也音比上角而象類東方之蒼帝

其為人蒼色小頭

象木之巔也

長面

木形長也

大肩背

木身大也

直身

木體直也

小手足

木枝細也此上以體象而言

好有才

隨斲成材木之用也

勞心

發

無窮木之化也

少力

木性柔也

多憂勞於事

木不能靜也

能春夏不能秋

冬

木得陽而生長得陰而凋落此以性而言也○能耐同下放此

感而病生足厥陰侘

侘然

足厥陰肝木之經也肝主筋為罷極之本故曰侘然侘然侘然筋柔遲重之貌足厥陰為木之藏足少

陽為木之府此言藏而下言府者蓋以厥陰少陽為表裏而藏為府之主耳故首云上角厥陰者總言木形之

全也後云大角左角缺角判角少陽者分言木形之詳也茲於上角而分左右左右而又分上下正以明陰陽

之中復有陰陽也餘準此○侘音駝

大角之人比於左足少陽少陽之上遺

遺然

稟五形之偏者各四曰左之上下右之上下而此言木形之左上是謂大角之人也其形之見於

外者屬於左足少陽之經如下文所謂足少陽之上氣血盛則通鬢美長以及血氣多少等辨正合此大角之

人也遺遺柔退貌○愚按通天篇有云太陰之人少陰之人大陽之人少陽之人陰陽和平之人凡五人者其態不同是統言大體而分其陰陽五態也此以木火土金水五形之人而復各分其左右上下是於各形之中而又悉其太少之義耳總皆發明稟賦之異而示人以變化之不同也○大太同

左角之人比

於右足少陽少陽之下隨隨然

左角一曰少角隨隨從順貌下文云足少陽之

下血氣盛則脰毛美長者正合此少欽角之人比於右角之人而此言其右之下也餘故此

足少陽少陽之上推推然

一曰右角角形而並於右足少陽之上者是謂右角之人

此即言其右之上也推判角之人比於左足少陽少陽推前進貌○欽音代

之下括括然

判半也應在大角之下者是謂判角之人而屬於左足少陽之下即言其左之下也

括括方正貌凡此遺隨隨推
推括括者皆所以表木形之象
○火形之人比於上徵

似於赤帝

徵為火音火形之人總言火氣之全者也音屬上徵而象類南方之赤帝

其為人

赤色

火之色也

廣胛

胛音引當脊肉也

銳面

小頭

火上也

好肩背髀腹

火勢炎上而盛於中也

小手足

火勢之旁者小也

行安地

火體下重也

疾心

火性

速也行搖

火象動也肩背肉滿

即上文廣胛好肩背之意

有氣

火屬陽而多氣也

輕

財

火性多散也

少信

火性易變也

多慮見事明

火明而善燭也

好顏

火光也

明

也急心

火性急也

不壽暴死

急速之性不耐久也

能春夏不能秋冬

陽王

春夏而畏水也

秋冬感而病生手少陰核核然

手少陰火不耐於秋

冬故秋冬生病核核然火不得散而結聚為形也此言
手少陰下言手太陽者以少陰太陽為表裏而皆屬於
火質徵之人比於左手太陽太陽之上肌肌然一曰質

也一曰質
曰大徵以徵形而應於左之上是謂大徵之人而屬於
左手太陽之上也肌肌膚淺貌此下詳義同前木形註

中少徵之人比於右手太陽太陽之下慄慄然應右徵
是謂少徵之人而屬於右手太陽之下
也慄慄不反貌又多疑也○慄音叨 右徵之人比於

右手太陽太陽之上鮫鮫然一曰熊熊然以徵形而屬
於右手太陽之上是謂右

徵之人鮫鮫踴躡質判之人比於左手太陽太陽之下支

支頥頥然一曰質徵此居質徵之下故曰質判而屬於
左手太陽之下判亦半之義也支支枝離貌

順頤自得貌凡此肌肌之類者皆所以表火形之象
○土形之人比於上宮似於

上古黃帝

官為土音土形之人總言土氣之全者也音屬上宮而象類中央之黃帝

其為人

黃色

土色黃也

圓面

土形圓也

大頭

土形廣而平也

美肩背

土體厚也

大腹

土廣

載美股脛

土主四支也

小手足

盛在中也

多肉

土之合也

上下相稱

土豐

盛行安地

土安重也

舉足浮

大氣舉之也

安心

土性靜也

好利人

土成物也

不喜權勢

土自尊也

善附人也

藏垢納污也

能秋冬不能春夏

畏風

濕也
春夏感而病生足太陰敦敦然

足太陰脾土經也敦敦重寶貌此言太陰

下言足陽明者以太陰陽明為表裏而皆屬於土也

大宮之人比於左足陽明陽

明之上婉婉然

以官形而應於左之上是謂大官之人而屬於左足陽明之上也婉婉委順貌

此下詳義同前本形註中

加宮之人比於左足陽明陽明之下坎坎

然一曰象之人應在大宮之下者是謂加宮之人而屬於左足陽明之下也坎坎深固貌

少宮之

人比於右足陽明陽明之上樞樞然

應在大宮之右故曰少宮之人而屬

於右足陽明之上也樞樞圓轉貌

左宮之人比於右足陽明陽明之下

兀兀然

一曰象之人一曰陽明之上詳此義當是右宮之人故屬於右足陽明之下也兀兀獨立不動

貌凡此婉婉之類者皆所以表土形之象也

○金形之人比於上商似於白

帝商為金音金形之人總言金氣之全其為人方面形者也音屬上商而象類西方之白帝

也方
白色金色也小頭小肩背小腹小手足金形也如骨發

踵外足跟外堅如骨發踵外者骨輕金體皆重而金無骨身清廉

潔金性也急心金性剛也靜悍金性靜動則悍也善為吏肅而威也能秋冬不

能春夏金喜寒而畏火也春夏感而病生手太陰敦敦然手太陰肺

金經也敦敦堅實貌手足太陰皆曰敦敦而義稍不同金堅土重也此言手太陰下言手陽明者以太陰陽明

為表裏而皆屬於金耳 鈇商之人比於左手陽明陽明之上廉廉

然鈇亦大也左右之上俱可言鈇故上文云鈇角者比於右足少陽之上此鈇商者比於左手陽明之上也

廉廉稜角貌此下詳右商之人比於左手陽明陽明之義同前木形註中

下脫脫然

詳此當是右手陽明庶與右商之人相屬脫脫蕭洒貌

大商之人比於

右手陽明陽明之上監監然

詳此當是左手陽明庶與左商之人相屬監監多察

貌少商之人比於右手陽明陽明之下嚴嚴然

應在下者

是謂少商之人而屬於右手陽明之下也嚴嚴莊重貌凡此廉廉之類者皆所以表金形之象也

○水

形之人比於上羽似於黑帝

羽為水音水形之人總言水氣之全者也音屬上羽

而象類北方之黑帝

其為人黑色

水色黑也

面不平

水有波也

大頭

水面廣也

廉

頤高流急也

小肩

支流細也

大腹

容物如海也

動手

足發行搖身

水流通也

下尻長

水流長也

背延延然

亦長意也

不敬畏

任性趨下不在上也

善欺給

人水無實也戮死水無恒情故多厄也能秋冬不能春夏水王秋冬衰於春夏也

春夏感而病生足少陰汗汗然足少陰腎水經也汗汗濡潤貌此言足少陰下

言足太陽者以少陰太陽為表裏而皆屬於水也大羽之人比於右足太陽太

陽之上頰頰然以水形而應於右之上者是謂大羽之人而屬於右足太陽之上也頰頰得色

貌此下詳義同前木形註中少羽之人比於左足太陽太陽之下紆

紆然應在左之下者是謂少羽之人而屬於左足太陽之下也紆紆曲折貌衆之為人比

於右足太陽太陽之下潔潔然衆常也一曰加之人應在右之下者曰衆之為

人而屬於右足太陽之下也潔潔清淨貌諸形皆言大少而此獨曰衆意者水形多變而此獨潔潔故可同於

也。衆枉之為人比於左足太陽太陽之上安安然。

枉室同局室不

通之義居左之上者曰枉之為人而屬於左足太陽之上也。安安定靜貌。諧不言枉而此獨言者蓋以水性雖流而為器所局則安然不動故云枉也。凡此頰頰之類者皆所以表水形之象也。是故五形之

人二十五變者衆之所以相欺者是也。

形分為五而又分為二十五稟

賦既偏則不免強弱勝負之相欺故惟不偏不易而鍾天地之正氣者斯為陰陽和平之人是以有聖跖賢愚之別也。○黃帝曰得其形不得其色何如岐伯曰形勝色

色勝形者至其勝時年加感則病行失則憂矣。

此言形色當相

合否則為病矣得其形者如上文之所謂二十五形也。形勝色者如以木形人而色見黃也。色勝形者如以木

形人而色見白也勝時年者如木王土衰而又逢丁壬
之木運或東方之干支或厥陰氣候之類值其王氣相
加而感之則病矣既病
而再有踈失乃可憂也
形色相得者富貴大樂
和也
氣質調

黃帝曰其形色相勝之時年加可知乎

此言形色之相勝者復有年忌

之當知也岐伯曰凡年忌下上之人大忌常加七歲

年忌者忌有常

數所以示人之避患也下上之人如上文五

形或上或下之人其年忌常以七歲為始十六歲二

十五歲三十四歲四十三歲五十二歲六十一歲皆人

之大忌不可不自安也

此言年忌始於七歲以至六十歲皆遞加九年者蓋以七為

陽之少九為陽之老陽數極於九而極必

變故自七歲以後凡遇九年皆為年忌感則病行失

則憂矣當此之時無為姦事是謂年忌

當年忌之年易於感病失則為

憂故尤宜知慎也

○黃帝曰夫子之言脉之上下血氣之候以

知形氣奈何岐伯曰足陽明之上血氣盛則髻美長血

少氣多則髻短故氣少血多則髻少血氣皆少則無髻

兩吻多畫

此下言手足三陽之外候也足陽明胃經之脉行於上體者循鼻外挾口環唇故此經氣

血之盛衰皆形見於口傍之髻也吻口角也畫紋也陽明血氣不充兩吻故多紋畫

足陽明之下

血氣盛則下毛美長至胷血多氣少則下毛美短至臍

行則善高舉足足指少肉足善寒

足陽明之脉行於下體者由歸來至氣街

陰陽總宗筋之會會於氣街而陽明為之長故形見於下毛而或有至胷至臍也行則善高舉足者因其血多蓋四支皆稟氣於胃足受血而能步也足指少肉足善寒者因其氣少蓋四支者諸陽之本陽氣不足則指少肉而善寒也

血少氣多則肉而善瘰

瘰寒腫也血少氣多則浮見於外故下體肉分

多為腫也

○瘰音竹也血氣皆少則無毛有則稀枯悴善痿厥足痺

悴憔悴也足陽明為五藏六府之海主潤宗筋束骨而利機關也今氣血俱少於下故為痿厥足痺等病

○

足少陽之上氣血盛則通髻美長血多氣少則通髻美

短血少氣多則少鬚血氣皆少則無鬚

足少陽膽經之脈行於上體者

抵於頰下頰車故其氣血之盛衰必形見於鬚髻也在頰曰鬚感於寒濕則善痺

骨痛爪枯也

此皆筋骨之病以少陽厥陰為表裏而肝主筋也

足少陽之下血

氣盛則脛毛美長外踝肥血多氣少則脛毛美短外踝

皮堅而厚血少氣多則脛毛少外踝皮薄而軟血氣皆

少則無毛外踝瘦無肉

足少陽之脈行於下體者出膝外廉下外輔骨外踝之前故其

形見者皆在足之外側

○足太陽之上血氣盛則美眉

眉有毫毛血多氣少則惡眉面多少理血少氣多則面

多肉血氣和則美色

足太陽膀胱之脈行於上體者起於目內皆其筋之支者下顏結於

鼻故其氣血之盛衰皆形見於眉面之間也

足太陽之下血氣盛則跟肉滿

踵堅氣少血多則瘦跟空血氣皆少則喜轉筋踵下痛
足太陽經之行於下體者從後廉下合膕中貫腓內出外踝之後結於踵故其形見為病皆在足之跟踵也

○手陽明之上血氣盛則鬣美血少氣多則鬣惡血氣

皆少則無鬣

手陽明大腸之脈行於上體者挾口交人中上挾鼻孔故其氣血之盛衰必形見於

鬣也在口上曰曰鬣手陽明之下血氣盛則腋下毛美手魚

肉以溫氣血皆少則手瘦以寒

手陽明之行於下體者上膈外前廉下近於腋

且陽明太陰為表裏而太陰之脈出腋下故腋下毛美手魚肉者大指本節後厚肉也本經之脈起次指出合

谷故形見於此

○手少陽之上血氣盛則眉美以長耳色美血

氣皆少則耳焦惡色

手少陽三焦之脉行於上體者出耳前後至目銳眥故其血氣之盛

衰皆見於眉耳之間

手少陽之下血氣盛則手捲多肉以溫血氣

皆少則寒以瘦氣少血多則瘦以多脉

手少陽之脉行於下體者起名

指端循手腕出臂外上肘故其形見若此

○手太陽之上血氣盛則有多鬚

面多肉以平血氣皆少則面瘦惡色

手太陽小腸之脉行於上體者循頰

上頰斜絡於顙故其血氣之感衰皆形見於鬚面之間也

手太陽之下血氣盛則掌

肉充滿血氣皆少則掌瘦以寒

手太陽之脉行於下體者循手外側上腕故其

形見者如此○按本篇首言五形者以藏為主而言其稟此言六陽者以府為表而言其形稟質相合象變斯

具矣此所以有左
右上下之分也

黃帝曰二十五人者刺之有約乎

約度也

岐伯曰美眉者足太陽之脈氣血多惡眉者氣血

少其肥而澤者血氣有餘肥而不澤者氣有餘血不足

瘦而無澤者氣血俱不足審察其形氣有餘不足而調

之可以知逆順矣

此言足太陽一經之盛衰而他經之有餘不足亦由是也審察既明而後

調之則不失其逆順矣

黃帝曰刺其諸陰陽奈何岐伯曰按其寸

口人迎以調陰陽

寸口在手太陰脈也人迎在頭陽明脈也太陰行氣於三陰陽明行氣於

三陽故按其寸口人迎而可以調陰陽也如禁服終始經脈等篇所謂人迎脈口一盛二盛三盛等義皆是也

詳具脉色會通切循其經絡之凝滯結而不通者此於身皆為

痛痺甚則不行故凝滯

切深也循察也經絡為病身必痛痺甚則血氣不行故脉道凝

滯也○凝滯者致氣以溫之血和乃止其結絡者脉結

血不行決之乃行

血脉凝滯氣不至也故當留鍼以補而致其氣以溫之致使之至也決者

開泄之謂故曰氣有餘於上者導而下之

氣有餘於上者病必在上故當刺其

穴之在下者以導而下之導引也氣不足於上者推而休之

氣不足於上者即刺

其在上一之穴仍推其鍼而休息之休者留鍼以待氣也

其稽留不至者因而迎之

稽留不至言氣至之遲滯者接之引之而使其必來也○迎去聲凡物來而接之則平聲物未來而逆之使來

則去聲 必明於經隧乃能持之寒與熱爭者導而行之其

宛陳血不結者則而予之

隧道也必明經脈之道路而後能執持之也其有寒熱不

和者因其偏而導去之脈道雖有鬱陳而血不結者則其勢而予治之則度也予與同

隧音遂

必先

明知二十五人則血氣之所在左右上下刺約畢也

凡刺

之道須明血氣故必知此二十五人之脈理而刺之大約可以盡矣

五音五味分配藏府

靈樞五音五味篇〇三十二

右徵與少徵調右手太陽上

此下十二條并後九條皆所以言六陽之表也

左商與左徵調左手陽明上

少徵與大宮調左手陽明上

義似不合

右角與大角調右足少陽下

大徵與少徵調左手太陽上

衆羽與少羽調右足太陽下

少商與右商調右手太陽下

義似不合

柷羽與衆羽調右足太陽下

少宮與太宮調右足陽明下

判角與少角調右足少陽下

鈇商與上商調右足陽明下

義似不合

鈇商與上角調左足太陽下

義似不合

上徵與右徵同穀麥畜羊果杏

手少陰藏心色赤味

苦時夏

此下五條言五藏之裏以合四時五色五味也

上羽與大羽同穀大豆畜彘果栗

足少陰藏腎色黑

味鹹時冬

上宮與大宮同穀稷畜牛果棗

足太陰藏脾色黃味

甘時季夏

上商與右商同穀黍畜雞果桃 手太陰藏肺色白味

辛時秋

上角與大角同穀麻畜犬果李 足厥陰藏肝色青味

酸時春

大宮與上角同右足陽明上

左角與大角同左足陽明上

義似不合

少羽與大羽同右足太陽下

左商與右商同左手陽明上

加宮與大宮同左足少陽上

義似不合

質判與大宮同左手太陽下

判角與大角同左足少陽下

大羽與大角同右足太陽上

大角與大宮同右足少陽上

按此篇乃承前篇陰陽二十五人而詳明其五

行相屬之義但前節言調者十二條後節言司者九條總計言角者十二徵者六宮者八商者八羽者七有重者如左手陽明上右足太陽下右足陽明下右足少陽下有缺者如左手陽明下右手陽明上右手陽明下左足太陽上左足陽明下且有以別音互入而復不合於表裏左右五行之序者此或以古文深

諱向無明註讀者不明錄者不慎而左右上下大少五音之間極易差錯愈傳愈謬是以義多難曉不敢強解姑存其文以俟後之君子再正

右徵少徵質徵上徵判徵

右角鈇角上角大角判角


右商少商鈇商上商左商

少宮上宮大宮加宮左角宮

衆羽桎羽上羽大羽少羽

此上五條結上文而總記五音之目也五音各五是

為二十五人之數



次定四十二

類經

四

類經卷四

欽定四庫全書

子部
類經卷五

詳校官太醫院八品吏目臣黃祿

編修臣倉聖脈覆勘

總校官知縣臣楊懋珩

校對官中書臣范來宗

謄錄監生臣宋元辰

欽定四庫全書

類經卷五

明 張介賓 撰

脉色類

診法常以平旦

素問脉要精微論○一

黃帝問曰診法何如診視也察也候脉也凡切脉望色

脉為言岐伯對曰診法常以平旦陰氣未動陽氣未散飲

食未進經脉未盛絡脉調勻氣血未亂故乃可診有過

之脉

平旦者陰陽之交也陽主晝陰主夜陽主表陰主裏凡人身營衛之氣一晝一夜五十周於身晝則

行於陽分夜則行於陰分迨至平旦復皆會於寸口故
難經曰寸口者脉之大會五藏六府之所終始也營衛
生會篇曰平旦陰盡而陽受氣矣日中而陽隴日西而
陽衰日入陽盡而陰受氣矣口問篇曰陽氣盡陰氣盛
則目瞑陰氣盡而陽氣盛則寤矣故診法當於平旦初
寤之時陰氣正平而未動陽氣將盛而未散飲食未進
而穀氣未行故經脉未盛絡脉調勻氣血未至擾亂脉
體未及變更乃可以診有過之脉有過言脉不得中而
有過失也夫脉者氣血之先也氣血盛則脉盛氣血衰
則脉衰氣血熱則脉數氣血寒則脉遲氣血微則脉弱
氣血平則脉和又如長人脉長短人脉短性急人脉急
性緩人脉緩此皆其常也反者為逆凡此之類是皆有
過之

謂之切脉動靜而視精明察五色觀五藏有餘不足六
府強弱形之盛衰以此參伍決死生之分

切者以指按
索之謂切脉

之動靜診陰陽也視目之精明診神氣也察五色之變見診生克邪正也觀藏府虛實以診其內別形容盛衰以診其外故凡診病者必合脉色內外參伍以求則陰陽表裏虛實寒熱之情無所遁而先後緩急真假逆從之治必無差故可以決死生之分而況於疾病乎此最是醫家妙用不可視為泛常夫參伍之義以三相較謂之參以伍相類謂之伍蓋彼此反觀異同互證而必欲搜其隱微之謂如易曰參伍以變錯綜其數通其變遂成天地之文極其數遂定天下之象非天下之至變其孰能與於此即此謂也

部位

素問脉要精微論○二

尺內兩傍則季脇也

尺內者關前曰寸關後曰尺故曰尺內季脇小肋也在脇下兩傍為

腎所近故自季脇之下皆尺內主之○愚按尺者對寸而言人身動脉雖多惟此氣口三部獨長一寸九分故

總曰寸口分言之則外為寸部內為尺部外為陽故寸內得九分陽之數也內為陰故尺內得一寸陰之數也二難曰從闕至尺是尺內陰之所治也從闕至魚際是寸口內陽之所治也然則闕之前曰寸闕之後曰尺而所謂闕者乃間於尺寸之間而為陰陽之界限正當掌後高骨處是也滑伯仁曰手太陰之脈由中焦出行一路直至兩手大指之端其魚際後一寸九分通謂之寸口於一寸九分之中曰寸曰尺而闕在其中矣其所以云尺寸者以內外本末對待為言而分其名也如蔡氏云自肘中至魚際得同身寸之一尺一寸自肘前一尺為陰之位魚際後一寸為陽之位太陰動脈前不及魚際橫紋一分後不及肘中橫紋九寸故古人於寸內取九分為寸尺內取一寸為尺以契陽九陰十之數其說似通但考之骨度篇則自肘至腕長一尺二寸五分而與此數不合蓋

尺外以候腎尺裏以候腹

尺外尺脈前半部也尺裏

<p>尺脈後半部也前以候陽後以候陰人身以背為陽腎附於背故外以候腎腹為陰故裏以候腹所謂腹者凡大小腸膀胱命門皆在其中矣諸部皆言左右而此獨不分者以兩尺皆主乎腎也藏府左右義詳附翼三卷</p>	<p>脈候部位論及三中附上左外以候肝內以候鬲中附上言</p>	<p>附尺之上而居乎中者即闕脈也左外言左關之前半部內言左關之後半部餘放此肝為陰中之陽藏而亦</p>	<p>附近於背故外以候肝內以候鬲舉鬲而言則中焦之鬲膜膽府皆在其中矣右外以候胃內</p>	<p>以候脾右關之前所以候胃右關之後所以候脾脾胃皆中州之官而以表裏言之則胃為陽脾為陰</p>	<p>故外以候胃內以候脾○愚按寸口者手太陰也太陰行氣於三陰故曰三陰在手而主五藏所以本篇止言</p>	<p>五藏而不及六府即始終禁服等篇亦皆以寸口候三陰人迎候三陽也然胃亦府也而此獨言之何也觀玉</p>
---	--------------------------------	---	---	--	---	---

機真藏論曰五藏者皆稟氣於胃胃者五藏之本也藏氣者不能自致於手太陰必因於胃氣乃至於手太陰也故胃氣當察於此又如五藏別論曰五味入口藏於胃以養五藏氣氣口亦太陰也是以五藏六府之氣味皆出於胃變見於氣口然則此篇雖止上附上右外以言胃而六府之氣亦無不見乎此矣

候肺內以候胃中

上附上言上而又上則寸脉也五藏之位惟肺最高故右寸之前以候肺

右寸之後以候胃中胃中者膈膜之上皆是也

左外以候心內以候臆中

心肺皆居

膈上故左寸之前以候心左寸之後以候臆中臆中者兩乳之間謂之氣海當心包所居之分也○愚按本論

五藏應見之位如火王於南故心見左寸木王於東故肝見左關金王於西故肺見右寸土王於中而寄位西

南故脾胃見右關此即河圖五行之序也

前以候前後以候後

此重申上下內外之義而

詳明之也統而言之寸為前尺為後分而言之上半部為前下半部為後蓋言上以候上下以候下也上

竟上者胃喉中事也下竟下者少腹腰股膝脛足中事

也竟盡也言上而盡於上在脉則盡於魚際在體則應於胃喉下而盡於下在脉則盡於尺部在體則應於少腹足中此脉候上下之事也○愚按本篇首言尺內次言中附上而為關又次言上附上而為寸皆自內以及外者蓋以太陰之脉從胃走手以尺為根本寸為枝葉也故凡人之脉寧可有根而無葉不可有葉而無根如論疾診尺篇曰審其尺之緩急浮大滑瀦內之堅脆而病形定矣是蓋所重在本耳○又按本篇外內二字諸家之註皆云內側外側夫曰內外側者必脉形偏濶而或有兩條者乃可若謂診者之指側則本篇文義乃舉脉體而言且診者之左外則病者之右手也當言候胃不當言候肝矣於義不通如下文前以候前後以候

後上竟上下竟下者是皆內外之謂觀易卦六爻凡畫卦者自下而上上三爻為外卦下三爻為內卦則其上
下內外之義明矣又有以浮取為外沉取為內者於義亦通均俟明者辨正○又按本篇上竟上者言胃喉中
事下竟下者言少腹足膝中事分明上以候上下以候下此自本經不易之理而王氏脈經乃謂心部在左手
關前寸口是也與手太陽為表裏以小腸合為府合於上焦肺部在右手關前寸口是也與手陽明為表裏以
大腸合為府合於上焦以致後人遂有左心小腸右肺大腸之配下反居上其謬甚矣據其所云不過以藏府
之配合如此抑豈知經分表裏脈自不同如脾經自足而上行走腹胃經自頭而下行走足升降交通以成陰
陽之用又豈必上則皆上下則皆下而謂其盡歸一處耶且自秦漢而下未聞有以大小腸取於兩寸者扁鵲
仲景諸君心傳可考自晉及今乃有此謬訛以傳訛愈久愈遠誤者可勝言哉無怪乎醫之日拙也此之不經

雖出於脉訣之編次而
創言者謂非叔和而誰

呼吸至數

素問平人氣
象論○三

黃帝問曰平人何如

謂氣候平和
之常人也

岐伯對曰人一呼脉

再動一吸脉亦再動呼吸定息脉五動閔以太息命曰

平人平人者不病也

出氣曰呼入氣曰吸一呼一吸總
名一息動至也再動兩至也常人

之脉一呼兩至一吸亦兩至呼吸定息謂一息既盡而
換息未起之際也脉又一至故曰五動閔餘也猶閔月
之謂言平人常息之外間有一息甚長者是為閔以太
息而又不止五至也此即平人不病之常度然則總計
定息太息之數大約一息脉當六至故五十營篇曰呼
吸定息脉行六寸乃合一至一寸也呼吸脉行丈尺見

經絡類
二十六

常以不病調病人醫不病故為病人平息以調

之為法

不病者其息勻病者其息亂醫者不病故能為病人平息以調者以其息勻也是為調診之法

人一呼脉一動一吸脉一動曰少氣

脉為血氣之道路而脉之運行在乎

氣若一呼一吸脉各一動則一息二至減於常人之半矣以正氣衰竭也故曰少氣十四難謂之離經人

一呼脉三動一吸脉三動而躁尺熱曰病温尺不熱脉

滑曰病風脉瀋曰痺

若不因定息太息而呼吸各三動是一息六至矣難經謂之離經躁

者急疾之謂尺熱言尺中近臂之處有熱者必其通身皆熱也脉數躁而身有熱故知為病温數滑而尺不熱者陽邪盛也故當病風然風之傷人其變不一不獨在於肌表故尺不熱也瀋為血不調故當病痺風痺二證

之詳見疾病類本條脉法曰滑不瀉也往來流利瀉人
不滑也如雨露沙滑為血實氣壅瀉為氣滯血少

一呼脉四動以上曰死脉絕不至曰死乍踈乍數曰死

一呼四動則一息八至矣况以上乎難經謂之奪精四
至曰脱精五至曰死六至曰命盡是皆一呼四至以上
也故死脉絕不至則元氣已竭乍踈乍數
則陰陽敗亂無主均為死脉○數音朔

五藏之氣脉有常數

靈樞根結
篇○四

一日一夜五十營以營五藏之精不應數者名曰狂生

營運也人之經脉運行於身者一日一夜凡五十周以
營五藏之精氣如五十營篇者即此之義其數則周身
上下左右前後凡二十八脉共長十六丈二尺人之宗
氣積於胃中主呼吸而行經隧一呼氣行三寸一吸氣

行三寸呼吸定息脉行六寸以一息六寸推之則一晝一夜凡一萬三千五百息通計五十周於身則脉行八百一十丈其有太過不及而不應此數者名曰狂生狂猶妄也言雖生未可必也 所謂五十營

者五藏皆受氣持其脉口數其至也

凡此五十營者即五藏所受之氣也

但診持脉口而數其至則藏氣之衰王可知矣脉口義詳藏象類十一○數上聲

五十動而不

一代者五藏皆受氣

代更代之義謂於平脉之中而忽見與弱或乍數乍疎或斷而復起

蓋其藏有所損則氣有所虧故變易若此均名為代若五十動而不一代者五藏受氣皆足乃為和平之脉

四十動一代者一藏無氣

四十動一代者是五藏中一藏虧損也○愚按十一難曰

經言脉不滿五十動而一止一藏無氣者何藏也然人吸者隨陰入呼者因陽出今吸不能至腎至肝而還故

知一藏無氣者腎氣先盡也然則五藏和者氣脉長五藏病者氣脉短觀此一藏無氣必先乎腎如下文所謂二藏三藏四藏五藏者當自遠而近以次而短則由腎及肝由肝及脾由脾及心由心及肺故凡病將危者必氣促似喘僅呼吸於胃中數寸之間蓋其真陰絕於下孤陽浮於上此氣短之極也醫於此際而尚欲平之散之未有不隨撲而滅者良可哀也夫人之生死由乎氣氣之聚散由乎陰而殘喘得以尚延者賴一綫之氣未絕耳此藏氣之不可不察也 三十動一代者二藏無氣二十動一代

者三藏無氣十動一代者四藏無氣不滿十動一代者

五藏無氣予之短期要在終始

予與同短期死期也言五藏無氣可與之定死

期矣終始本經篇名具十二經終之義

所謂五十動而不一代者以為常

也以知五藏之期予之短期者乍數乍踈也

以為常者
言人之常

脉當如是也故可因此以察五藏之氣若欲知其短期則在乎乍踈乍數此其時相變代乃與常代者不同蓋以藏氣衰敗無所主持而失常如此故三部九候等論皆云乍踈乍數者死○愚按代脉之義自仲景叔和俱云動而中止不能自還因而復動脉代者死又曰脉五來一止不復增減者死經名曰代脉七來是一息半時不復增減亦名曰代正死不疑故王太僕之釋代脉亦云動而中止不能自還也自後滑伯仁因而述之曰動而中止不能自還因而復動由是復止尋之良久乃復強起為代故後世以結促代並言均目之為止脉豈足以盡其義哉夫緩而一止為結數而一止為促其至則或三或五或七八至不等然皆至數分明起止有力所主之病有因氣逆痰壅而為間阻者有因血氣虛脫而為斷續者有因生平稟賦多滯而脉道不流利者此

自結促之謂也至於代脈之辨則有不同如宣明五氣篇曰脾脈代邪氣藏府病形篇曰黃者其脈代皆言藏氣之常候非謂代為止也又平人氣象論曰長夏胃微奕弱曰平但代無胃曰死者乃言胃氣去而真藏見者死亦非謂代為止也由此觀之則代本不一各有深義如五十動而不一代者乃至數之代即本篇之所云者是也若脈本平勻而忽強忽弱者乃形體之代即平人氣象論所云者是也又若脾主四季而隨時更代者乃氣候之代即宣明五氣等篇所云者是也凡脈無定候更變不常則均謂之代但當各因其變而察其情庶得其妙設不明此非惟失經旨之大義即於脈象之吉凶皆茫然莫知所辨矣又烏足以言診哉二篇詳義見後十一及疾病類二十五○又按本篇但言動止之數以診五藏無氣之候未嘗鑿言死期而王氏脈經乃添出死期歲數曰脈來四十投而一止者一藏無氣却後四歲春草生而死脈來三十投而一止者二藏無氣却後

三歲麥熟而死脉來二十投而一止者三藏無氣却後
二歲桑椹赤而死脉來十投而一止者四藏無氣歲中
死脉來五動而一止者五藏無氣却後五日而死自後
諸家言脉者皆宗此說恐未有一藏無氣而尚活四歲
二藏無氣而尚活三
歲之理診者辨之

三部九候

素問三部九候論〇五

黃帝問曰余聞九鍼於夫子衆多博大不可勝數余願
聞要道以屬子孫傳之後世著之骨髓藏之肝肺軟血
而受不敢妄泄屬付也著紀也軟血飲血而令合天道
誓也數上聲軟所甲切
必有終始上應天光星辰歷紀下副四時五行貴賤更

立冬陰夏陽以人應之奈何願聞其方岐伯對曰妙乎

哉問也此天地之至數

天地雖大萬物雖多莫有能出乎數者數道大矣故曰至數

帝曰願聞天地之至數合於人形血氣通決死生為之

奈何岐伯曰天地之至數始於一終於九焉

數始於一而終於九

天地自然之數也如易有太極是生兩儀兩儀生四象四象生八卦而太極運行乎其中陽九之數也又如四

象之位則老陽一少陰二少陽三老陰四四象之數則老陽九少陰八少陽七老陰六以一二三四連九八七

六而五居乎中亦陽九之數也故以天而言歲則一歲統四季一季統九十日是天數之九也以地而言位則

戴九履一左三右七二四為肩六八為足五位中宮是洛書之九也以人而言事則黃鐘之數起於九九而九

之則九九八十一分以為萬事之本是人事之九也九數之外是為十十則復變為一矣故曰天地之至數始於一終於九焉一者天二者地三者人因而三之三三者九以

應九野

一者奇也故應天二者偶也故應地三者參也故應人故曰天開於子地闢於丑人生於寅所

謂三才也三而三之以應九野九野者即洛書九宮禹貢九州之義詳見九宮星野等圖故人有三

部部有三候以決死生以處百病以調虛實而除邪疾

以天地人言上中下謂之三才以人身而言上中下謂之三部於三部中而各分其三謂之三候三而三之是謂三部九候其通身經隧由此出入故可以決死生處百病調虛實而除邪疾也○愚按三部九候本經明指人身上中下動脈如下文所云者蓋上古診法於人身三部九候之脈各有所候以診諸藏之氣而鍼除邪疾

非獨以寸口為言也如仲景脉法上取寸口下取跌陽是亦此意觀十八難曰三部者寸關尺也九候者浮中沉也乃單以寸口而分三部九候之診後世言脉者皆宗之雖亦診家捷法然非軒岐本旨學者當並詳其義

帝曰何謂三部岐伯曰有下部有中部有上部部各有

三候三候者有天有地有人也必指而導之乃以為真

指而導之言必受師之指授庶得其真也上部天兩額之動脉額傍動脉當

少陽脉氣所行也上部地兩頰之動脉兩頰動脉即地倉大迎之分足陽明脉氣所行

也上部人耳前之動脉耳前動脉即和髻之分手少陽脉氣所行也中部天

手太陰也掌後寸口動脉經渠之次肺經脉氣所行也中部地手陽明也手

指次指歧骨間動脈合谷中部人手少陰也掌後銳骨

之次大腸經脈氣所行也下部天足厥陰也氣衝下三寸動脈五里

門之次心經下部地足少陰也內踝後跟

脈氣所行也下部人足太陰也魚腹上越筋間動脈

太谿之分腎經故下部之天以候肝

沉取乃得之脾經脈氣所行也故下部之天以候肝

候胃氣者當取足跗上之衝陽故下部之天以候肝

足厥陰脈也故以候腎人以候脾胃之氣

亦有天亦有地亦有人天以候肺故以候肺地以候

帝曰中部之候奈何岐伯曰

胃中之氣

手陽明大腸脉也 大腸小腸皆屬於胃胃脘通於胃中故以候胃中人

以候心

手少陰脉也 故以候心

帝曰上部以何候之岐伯曰亦有天亦有

地亦有人天以候頭角之氣

兩額動脉故以候頭角

地以候口齒

之氣

兩頰動脉故以候口齒

人以候耳目之氣

耳前動脉故以候耳目

三部

者各有天各有地各有人三而成天三而成地三而成

人

上部中部下部各有天 地人是為三部九候

三而三之合則為九九分為

九野九野為九藏故神藏五形藏四合為九藏

九野義見前九

藏即上文九候之謂神藏五以肝藏魂心藏神肺藏魄 脾藏意腎藏志也 形藏四即頭角耳目口齒胃中共為

九藏此言人之九藏正應地之九野乃合於天地之至數

五藏已敗其色必夭夭必

死矣

色者神之幟藏者神之舍其色夭者其神去其神去者其藏敗故必死矣夭者枯暗不澤而色異常

也帝曰以候奈何岐伯曰必先度其形之肥瘦以調其

氣之虛實實則寫之虛則補之

候謂診候其病情度謂度量其虛實形之肥瘦

者鍼有淺深之異如逆順肥瘦篇之謂者是也病之虛實者治有補寫之殊如終始篇九鍼鍼解等篇者是也

此雖以鍼法為言而用藥者亦可以類推矣○愚按上古鍼治之法必察三部九候之脈證以調九藏之盛衰

今之人但知按穴以求病而於諸經虛實之理茫然必不知曰神曰聖之罕聞者其在失其本耳○寫去聲必

先去其血脉而後調之

凡有瘀血在脈而為壅塞者必先刺去壅滯而後可調虛實也

無問其病以平為期凡病甚者奏功非易故不必問其效之遲速但當以血氣平和為期

則耳○此與後二十
五章同篇所當互究

七診

素問三部九候論○六

帝曰何以知病之所在岐伯曰察九候獨小者病獨大

者病獨疾者病獨遲者病獨熱者病獨寒者病獨陷下

者病

此言九候之中而復有七診之法謂脉失其常而獨大者獨小者獨疾者獨遲者獨寒者獨熱者獨

陷下者皆病之所在也獨寒獨熱謂其或在上或在下或在表或在裏也陷下沉伏不起也此雖以三部九候

為言而於氣口部位類推為用亦惟此法○此與後二十五章同篇七診之義所當並考○愚按七診之法本

出此篇而勿聽子謬謂七診者診宜平旦一也陰氣未
 動二也陽氣未散三也飲食未進四也經脉未盛五也
 絡脉調勻六也氣血未亂七也夫此七者焉得皆謂之
 診總之一平旦診法耳後世遂爾謬傳竟致失其本原
 是真可以
 勿聽矣

診有十度診有陰陽

素問方盛
 衰論〇七

診有十度度人脉度藏度肉度筋度俞度

診法雖有十
 度而總不外

乎陰陽也十度謂脉藏肉筋俞是為五度左右相同各
 有其二二五為十也脉度者如經脉脉度等篇是也藏
 度如本藏腸胃平人絕穀等篇是也肉度如衛氣失常
 等篇是也筋度如經筋篇是也俞度如氣府氣穴本輸
 等篇是也度數也〇度
 人之度音鐸餘音杜
 陰陽氣盡人病自具
凡此十度
 者人身陰

陽之理盡之矣故人之脉動無常散陰頗陽脉脫不具疾病亦無不具見於此

診無常行

脉動無常言脉無常體也散陰頗陽言陰氣散失者脉頗類陽也何也如仲景曰若脉浮

大者氣實血虛也叔和曰諸浮脉無根者皆死又曰有表無裏者死謂真陰散而孤陽在脉頗似陽而無根者

非真陽之脉也此其脉有所脫而陰陽不全具矣診此者有不可以陰陽之常法行也蓋謂其當慎耳 診

必上下度民君卿

貴賤尊卑勞逸有異膏粱藜藿氣質不同故當度民君卿分別上下以為

診 度 入聲 受師不卒使術不明不察逆從是為妄行持雌

失雄棄陰附陽不知并合診故不明

卒盡也雌雄即陰陽之義生氣通天

論曰陰陽離決精神乃絕故凡善診者見其陰必察其陽見其陽必察其陰使不知陰陽逆從之理并合之妙

是真庸庸者傳之後世反論自章

理既不明而妄傳後世則其謬言反論終

必自章露也

至陰虛天氣絕至陽盛地氣不足

至陰至陽即天地之道也

設有乖離敗亂乃至六微者大論曰氣之升降天地之更用也升已而降降者謂天降已而升升者謂地天氣下降氣流於地地氣上升氣騰於天故易以地在天上而為泰言其交也天在地上而為否言其不交也此云至陰虛者言地氣若衰而不升不升則無以降故天氣至陽盛者言天氣若亢而不降不降則無以升故地氣不足蓋陰陽二氣互藏其根更相為用不可偏廢此借天地自然之道以喻人之陰陽貴和也丹溪引此虛盛二字以證陽常有餘陰常不足其說左矣

陰陽並交至人之所行

並交者陰陽不相失而得其和平也此其調陰陽並交者陽氣先至陰攝之妙惟至人者乃能行之

氣後至是以聖人持診之道先後陰陽而持之

凡陰陽之道陽

動陰靜陽剛陰柔陽倡陰隨陽施陰受陽升陰降陽前陰後陽上陰下陽左陰右數者為陽遲者為陰表者為陽裏者為陰至者為陽去者為陰進者為陽退者為陰發生者為陽收藏者為陰陽之行速陰之行遲故陰陽並交者必陽先至而陰後至是以聖人之持診者在察陰陽先後以測其精要也 奇恒之勢乃

六十首診合微之事追陰陽之變章五中之情其中之

論取虛實之要定五度之事知此乃足以診

奇異也恒常也六十

首即禁服篇所謂通於九鍼六十篇之義今失其傳矣診合微之事者參諸診之法而合其精微也追陰陽之變者求陰陽盛衰之變也章明也五中五藏也五度即前十度也必能會此數者而參伍其妙斯足以言診矣

是以切陰不得陽診消亡得陽不得陰守學不湛知左

不知右知右不知左知上不知下知先不知後故治不

久

切陰不得陽診消亡者言人生以陽為主不得其陽
焉得不亡如陰陽別論曰所謂陰者真藏也見則為

敗敗必死矣所謂陽者胃腕之陽也平人氣象論曰人
無胃氣死脉無胃氣死是皆言此陽字湛明也若但知

得陽而不知陽中有陰及陰平陽秘之道者是為偏守
其學亦屬不明如左右上下先後者皆陰陽之道也使

不知左右則不明升降之理不知上下則不明清濁之
宜不知先後則不明緩急之用安望其久安長治而萬

世不知醜知善知病知不病知高知下知坐知起知行
殆哉

知止用之有紀診道乃具萬世不殆凡此數者皆有對
待之理若差之毫

釐則繆以千里故凡病之善惡形之動靜皆所當辨能明此義而用之有紀診道斯備故可萬世無殆矣紀條

理也殆危也

起所有餘知所不足

起興起也言將治其有餘當察其不足蓋邪氣多有

餘正氣多不足若只知有餘而忘其不足則取敗之道也此示人以根本當慎之意

度事上下脉

事因格

能度形情之高下則脉事因之可格至而知也

是以形弱氣虛死

中外俱敗

也形氣有餘脉氣不足死

外貌無恙藏氣已壞也

脉氣有餘形氣

不足生

藏氣未傷者形衰無害蓋以根本為主也又如三部九候論曰形肉已脫九候雖調猶死蓋脫

與不足本自不同而形肉既脫脾元絕矣故脉氣雖調亦所不治當與此節互求其義

診有大方

素問方盛衰論
○連前篇○八

是以診有大方坐起有常

大方者醫家之大法也坐起有常則舉動不苟而先正其

身身正於外心必隨之故診之大方必先乎此

出入有行以轉神明

行德行也醫以活人

為心其於出入之時念念皆真無一不敬則德能動天誠能格心故可以轉運周旋而無往弗神矣行去聲

必清必淨上觀下觀

必清必淨則心專志一而神明見然後上觀之以察其神色聲音下

觀之以察其形體逆順

司八正邪別五中部

司候也別審也候八節八風之正邪以察

其表審五藏五行之部位以察其裏

按脉動靜循尺滑瀦寒温之意

按脉動靜

可別陰陽滑瀦寒温可知虛實凡脉滑則尺之皮膚亦滑脉瀦則尺之皮膚亦瀦脉寒則尺之皮膚亦寒脉温

則尺之皮膚亦温故循尺即可以知之循揣摩也

視其大小合之病能

大小二便也二

便為約束之門戶門戶不要則倉廩不藏得守者
生失守者死故視其大小以合病能情狀之謂逆從

以得復知病名

反者為逆順者為從必得逆從
必知病名底有定見而無差謬診可十

全不失人情

診如上法庶可十全其於人情尤不可失
也愚按不失人情為醫家最一難事而

人情之說有三一曰病人之情二曰傍人之情三曰同
道人之情所謂病人之情者有素稟之情如五藏各有
所偏七情各有所勝陽藏者偏宜於涼陰藏者偏宜於
熱耐毒者緩之無功不耐毒者峻之為害此藏氣之有
不同也有好惡之情者不惟飲食有憎愛抑且舉動皆
關心性好吉者危言見非意多憂者慰安云偽未信者
忠告難行善疑者深言則忌此情性之有不同也有富
貴之情者富多任性貴多自尊任性者自是其是真是
者反成非是自尊者遇士或慢自重者安肯自輕此交
際之有不同也有貧賤之情者貧者衣食不能周况乎

藥餌賤者焦勞不能釋懷抱可知此調攝之有不同也
又若有良言甫信謬說更新多歧亡羊終成畫餅此中
無主而易亂者之為害也有最畏出奇惟求穩當車薪
杯水寧甘敗亡此內多懼而過慎者之為害也有以富
貴而貧賤或深情而掛牽戚戚於心心病焉能心藥此
得失之情為害也有以急性而遭遲病以更醫而致雜
投皇皇求速速變所以速亡此緩急之情為害也有偏
執者曰吾鄉不宜補則虛者受其禍曰吾鄉不宜寫則
實者被其傷夫十室且有忠信一鄉焉得皆符此習俗
之情為害也有參朮入唇懼補心先否塞硝黃沾口畏
攻神即飄揚夫杯影亦能為祟多疑豈法之良此成心
之情為害也有諱疾而不肯言者終當自誤有隱情而
不敢露者安得其詳然尚有故隱病情試醫以脉者使
其言而偶中則信為明良言有弗合則目為庸劣抑孰
知脉之常體僅二十四病之變象何啻百千是以一脉
所主非一病一病所見非一脉脉病相應者如某病得

某脉則吉脉病相逆者某脉值某病則凶然則理之吉凶雖融會在心而病之變態又安能以脉盡言哉故知一知二知三神聖諄諄於參伍曰工曰神曰明精詳豈獨於指端彼俗人之淺見固無足怪而士夫之明慧亦每有蹈此弊者故忌望聞者診無聲色之可辨惡詳問者醫避多言之自慙是於望聞問切已舍三而取一且多有并一未明而欲得夫病情者吾知其必不能也所以志意未通醫不免為病困而朦朧猜摸病不多為醫困乎凡此皆病人之情不可不察也○所謂傍人之情者如浮言為利害所闕而人多不知檢故或為自負之狂言則醫中有神理豈其能測或執有據之鑿論而病情多亥豕最所難知或操是非之柄則同於我者是之異於我者非之而真是真非不是真人不識或執見在之見則頭疼者云救頭脚疼者云救脚而本標綱目反為迂遠庸談或議論於貴賤之間而尊貴執言孰堪違抗故明哲保身之士寧為好好先生或辯析於親疎之

際而親者主持牢不可拔雖真才實學之師亦當唯唯而退又若薦醫為死生之攸係而人多不知慎有或見輕淺之偶中而為之薦者有意氣之私厚而為之薦者有信其便便之談而為之薦者有見其外飾之貌而為之薦者皆非知之真者也又或有貪得而薦者陰利其酬闕情而薦者別圖冀望甚有斗筲之輩者妄自驕矜好人趨奉薰蕕不辨擅肆品評譽之則盜跖可為堯舜毀之則鸞鳳可為鴟鴞洗垢索瘢無所不至而懷真抱德之士必其不侔若此流者雖其發言容易欣戚無關其於淆亂人情莫此為甚多致明醫有掣肘之去病家起刻骨之疑此所以千古是非之不明總為庸人擾之耳故竭力為人任事者豈不岌岌其危哉凡此皆傍人之情不可不察也○所謂同道人之情者尤為閃灼更多隱微如管窺蠡測醯鷄笑天者固不足道而見偏性拘必不可移者又安足論有專恃口給者牽合支吾無稽信口或為套語以誑人或為甘言以悅人或為強辯

以欺人或為危詞以嚇人儼然格物君子此便佞之流
也有專務人事者典籍經書不知何物物道聽途說拾人
唾餘然而終日營營綽風求售不邀自赴僕媚取容偏
投好者之心此阿諂之流也有專務奇異者腹無藏墨
眼不識丁乃詭言神授偽托秘傳或假脉以言禍福或
弄巧以亂經常最覺新奇動人甚易此欺詐之流也有
務飾外觀者誇張侈口羊質虎皮不望色不聞聲不詳
問一診而藥若謂人淺我深人愚我明此麤疎孟浪之
流也有專務排擠者陽若同心陰為浸潤夫是曰是非
曰非猶避隱惡之嫌第以死生之際有不得不辨者固
未失為真誠之君子若以非為是以是為非顛倒陰陽
掀翻禍福不知而然庸庸不免知而故言此其良心已
喪讒妬之小人也有貪得無知藐人性命者如事已疑
難死生反掌斯時也雖在神良未必其活故一藥不敢
苟一着不敢亂而僅僅冀於挽回忽遭若輩求速貪功
謬妄一投中流失楫以致必不可救因而嫁謗自文極

口反噬雖未紫或被混淆而蒼赤何辜受害此貪倖無知之流也有道不同不相為謀者意見各持異同不決夫輕者不妨少謬重者難以略差故凡非常之病非常之醫不能察用非常之治又豈常人之所知故獨聞者不侔於衆獨見者不合於人大都行高者謗多曲高者和寡所以一齊之傅何當衆楚之咻直至於敗而後羣然退散付之一人則事已無及矣此庸庸不揣之流也又有久習成風苟且應命者病不關心些須惟利是病家既不識醫則條趙條錢醫家莫肯任怨則惟苓惟梗或延醫務多則互為觀望或利害攸係則彼此避嫌故爬之不癢搨之止痛醫稱穩當誠然得矣其於坐失機宜奚堪耽悞乎此無他亦惟知醫者不真而任醫者不專耳詩云發言盈庭誰執其咎築室於道不潰於成此病家醫家近日之通弊也凡若此者孰非人情而人情之詳尚多難盡故孔子曰惡紫之奪朱也惡鄭聲之亂雅樂也惡利口之覆邦家者然則人情之可畏匪今

若是振古如茲矣故聖人以不失人情為戒而不失二字最難措力必期不失未免遷就但遷就則碍於病情不遷就則碍於人情有必不可遷就之病情而復有不得不遷就之人情其將奈之何哉甚矣人情之難言也故余發此以為當局者詳察之備設彼三人者倘亦有因余言而各為做省非惟人情不難於不失而相與共保天年同登壽域之地故診之或視息視意故不失條端從此始惟明者鑒之

理視息者察呼吸以觀其氣視意者察形色以觀其情凡此諸法皆診有大方診可十全之道知之者故能不失條理條者猶幹之有枝理者猶物之有脉即脉絡綱紀之謂道甚明察故能長久

不知此道失經絕理亡言妄期此謂失道

不知此道則亡言妄期未

有不殆者矣

脉合四時陰陽規矩

素問脉要精微論〇九

帝曰脉其四時動奈何知病之所在奈何知病之所變

奈何知病乍在內奈何知病乍在外奈何請問此五者

可得聞乎岐伯曰請言其與天運轉大也

凡此五者即陰陽五行之

理而陰陽五行即天地之道故伯以天運轉大為對則五者之變動盡乎其中矣

萬物之外六

合之內天地之變陰陽之應彼春之暖為夏之暑彼秋

之忿為冬之怒四變之動脉與之上下

物在天中天包物外天地萬物

本同一氣凡天地之變即陰陽之應故春之暖者為夏暑之漸也秋之忿者為冬怒之漸也春生夏長秋收冬

藏是即陰陽四變之動
而脈亦隨之以上下也
以春應中規規者所以為圓之器春氣發生圓活

而動故應中規而人脈應之所以圓滑也
夏應中矩矩者所以為方之器夏氣茂盛盛極而止故應

中矩而人脈應之
所以洪大方正也
秋應中衡衡平也秤橫也秋氣萬寶俱成平於地面故應中衡

而人脈應之所以冬應中權權秤錘也冬氣閉藏故應中權而人脈應之所以沉

石而伏於內也凡茲規矩權衡者皆發明陰陽升降之理以合乎四時脈氣之變象也
是故冬至

四十五日陽氣微上陰氣微下夏至四十五日陰氣微

上陽氣微下陰陽有時與脈為期期而相失如脈所分

分之有期故知死時冬至一陽生故冬至後四十五日以至立春陽氣以漸而微上陽微

上則陰微下矣夏至一陰生故夏至後四十五日以至
立秋陰氣以漸而微上陰微上則陽微下矣此所謂陰
陽有時也與脉為期者脉隨時而變遷也期而相失者
謂春規夏矩秋衡冬權不合於度也如脉所分者謂五
藏之脉各有所屬也分之有期者謂衰王
各有其時也知此者則知死生之時矣
微妙在脉不

可不察察之有紀從陰陽始始之有經從五行生生之

有度四時為宜

脉之微妙亦惟陰陽五行為之經紀而陰陽五行之生各有其度如陽生於冬

至陰生於夏至木生於亥火生於寅金生於巳水土生於申此四時生王各有其宜也紀綱紀也經經常也即

大綱小補寫勿失與天地如一

天地之道損有餘而補不足易曰天道虧盈而

蓋謙地道變盈而流謙故不足則當補有餘則當寫補寫不失其宜則與天地之道如一矣
得一之

精以知死生

一之精者天人一理之精微也天地之道陽主乎動陰主乎靜陽來則生陽去則死

知天道之所以所以不息者則知人之所以死生矣

是故聲合五音色合五行脉合

陰陽

聲合宮商角徵羽色合金木水火土脉合四時陰陽雖三者若乎有分而理則一也

是故持

脉有道虛靜為保

凡持脉之道一念精誠最嫌擾亂故必虛其心靜其志纖微無間而診道

斯為全矣保不失也

春日浮如魚之遊在波

脉得春氣雖浮動而未全出故如魚之遊

在波也

夏日在膚泛泛乎萬物有餘

脉得夏氣則洪盛於外故泛泛乎如萬物

之有餘也秋日下膚蟄蟲將去

脉得秋氣則洪盛漸斂故如欲蟄之蟲將去也冬日

在骨蟄蟲周密君子居室

脉得冬氣沉伏在骨故如蟄蟲之周密君子之於斯時亦

當體天地閉藏之道而居於室也

故曰知內者按而紀之知外者終而

始之此六者持脉之大法

內言藏氣藏象有位故可按而紀之外言經氣經脉有序

故可終而始之然必知此四時內外六者之法則脉之時動病之所在及病變之或內或外皆可得而知也故為持脉之大法

四時藏脉病有太過不及

素問玉機真藏論○十

黃帝問曰春脉如弦何如而弦岐伯曰春脉者肝也東方木也萬物之所以始生也故其氣來奩弱輕虛而滑

端直以長故曰弦反此者病

弦者端直以長狀如弓弦有力也然奩弱輕虛而滑

則弦中自有和意肝藏主之扁鵲曰春肝弦者肝東方木也萬物始生未有枝葉故其脉之來濡弱而長故曰

弦○奕 帝曰何如而反歧伯曰其氣來實而強此謂太

過病在外其氣來不實而微此謂不及病在中 其氣來實而強

弦之過也其氣來不實而微弦之不及也皆為弦脉之反太過者病在外不及者病在中盖外病多有餘內病

多不足此其常也下準此 帝曰春脉太過與不及其病皆何如歧伯

曰太過則令人善忘忽忽眩冒而巔疾其不及則令人

胃痛引背下則兩脇胠滿 忘當作怒本神篇曰肝氣虛則恐實則怒氣交變大論曰

歲木太過甚則忽忽善怒眩冒巔疾皆同此義忽忽恍忽不爽也胃悶昧也巔疾疾在頂巔也足厥陰之脉會

於巔上貫膈布脇助故其為病如此
肱音區腋下脇也
○帝曰善夏脉如鉤何如

而鉤岐伯曰夏脉者心也南方火也萬物之所以盛長

也故其氣來盛去衰故曰鉤反此者病
鉤者舉指來盛去勢似衰蓋脉

盛於外而去則無力陽之盛也心藏主之扁鵲曰夏脉鉤者心南方火也萬物之所茂垂枝布葉皆下曲如鉤

故其脉之來疾去遲故曰鉤○長上聲 帝曰何如而反岐伯曰其氣來盛

去亦盛此謂太過病在外其氣來不盛去反盛此謂不

及病在中
其氣來盛去亦盛鉤之過也其來不盛去反盛鉤之不及也皆為鉤脉之反去反盛者非

強盛之謂凡脉自骨肉之分出於皮膚之際謂之來自皮膚之際還於骨肉之分謂之去來不盛去反盛者言

來則不足去則有餘即消多長少之意故扁鵲於春肝
夏心秋肺冬腎皆以實強為太過病在外虛微為不及
病在內辭雖異
帝曰夏脉太過與不及其病皆何如岐

伯曰太過則令人身熱而膚痛為浸淫其不及則令人

煩心上見欬唾下為氣泄

夏脉太過則陽有餘而病在外故令人身熱膚痛而浸淫

流布於形體不及則君火衰而病在內故上為心氣不足而煩心虛陽侵肺而欬唾下為不固而氣泄以本經脉起心中出屬心系下膈絡小腸又從心系却上肺故也○帝曰善秋脉如浮何如

而浮岐伯曰秋脉者肺也西方金也萬物之所以收成也故其氣來輕虛以浮來急去散故曰浮反此者病者

浮者

輕虛之謂來急去散者以秋時陽氣尚在皮毛也肺藏主之扁鵲曰秋脉毛者肺西方金也萬物之所終草木華葉皆秋而落其枝獨在若毫毛也故其脉之來輕虛以浮故曰毛帝曰何如而反岐伯

曰其氣來毛而中央堅兩傍虛此謂太過病在外其氣

來毛而微此謂不及病在中

中央堅浮而中堅也凡浮而太過浮而不及皆浮之

反而病之在內帝曰秋脉太過與不及其病皆何如岐

伯曰太過則令人逆氣而背痛愠愠然其不及則令人

喘呼吸少氣而欬上氣見血下聞病音

肺脉起中焦下絡大腸還循胃

口上膈屬肺其藏附背故太過則逆氣為壅而背痛見於外愠愠悲鬱貌其不及則喘欬短氣氣不歸原所以

上氣陰虛內損所以見血下聞病音謂喘息則喉下有聲也

○帝曰善冬脉如營何

如而營岐伯曰冬脉者腎也北方水也萬物之所以合

藏也故其氣來沉以搏故曰營反此者病

營者營壘之謂如士卒之

圍聚不散亦沉石之義也腎藏主之扁鵲曰冬脉石者腎北方水也萬物之所藏也盛冬之時水凝如石故其脉之來沉濡而滑故曰石甲乙經亦作沉以濡帝曰何如而反岐伯曰其氣來

如彈石者此謂太過病在外其去如數者此謂不及病

在中

來如彈石者其至堅強營之太過也其去如數者動止疾促營之不及也蓋數本屬熱而此真陰虧

損之脉亦必緊數然愈虛則愈數原非陽強實熱之數故云如數則辨析之意深矣此而一差禍如反掌也太

過病在外不及病在中
義俱同前 數音朔 帝曰冬脉太過與不及其病皆

何如岐伯曰太過則令人解脤春脉痛而少氣不欲言

其不及則令人心懸如病饑眇中清脊中痛少腹滿小

便變帝曰善
冬脉太過陰邪勝也陰邪勝則腎氣傷真陽虛故令人四體懈怠舉動不精是謂解

脤脊痛者腎脉之所至也腎藏精精傷則無氣故少氣不欲言皆病之在外也其不及則真陰虛虛則心腎不

交故令人心懸而怯如病饑也季脇下空軟之處曰眇中腎之旁也腎脉貫脊屬腎絡膀胱故為脊痛腹滿小

便變等證變者謂或黃或赤或為遺淋或為癰閉之類由腎水不足而然是皆病之在中也解脤義詳疾病類

五十〇脤音秒
〇帝曰四時之序逆從之變異也然脾脉

獨何主

上文言肝心肺腎之脈既分四時而逆從岐伯之變自皆有異然脾亦一藏當有所主也

曰脾脉者土也孤藏以灌四傍者也

脾屬土土為萬物之本故運行水穀

化津液以灌溉於肝心肺腎之四藏者也土無定位分王四季故稱為孤藏詳見藏象類七

帝曰然

則脾善惡可得見之乎岐伯曰善者不可得見惡者可

見

脾無病則灌溉周而四藏安不知脾力之何有故善者不可得見脾病則四藏亦隨而病故惡候見矣

帝曰惡者何如可見岐伯曰其來如水之流者此謂太

過病在外如鳥之喙者此謂不及病在中

如水之流者滑而動也如

鳥之喙者銳而短也太過病在外不及病在中義俱同前喙一本作啄○喙音誨味也

帝曰夫子

言脾為孤藏中央土以灌四傍其太過與不及其病皆

何如岐伯曰太過則令人四支不舉其不及則令人九

竅不通名曰重強

脾土太過病在外故令人四支不舉以脾主四支而濕勝之也不及病在

中故令人九竅不通以脾氣弱則四藏皆弱而氣不行也重強不柔和貌沉重拘強也○愚按本篇脾脉一條

云其來如水之流者此為太過平人氣象論曰如水之流曰脾死此其一言太過一言危亡詞同意異豈無所

辨蓋水流之狀滔滔洪盛者其太過也濺濺不返者其將竭也凡此均謂之流而一盛一危迥然有異故當詳

別其狀而勿因詞害意也又如太過則令人四支不舉此以在外之標而槩言之故曰太過若脾虛不能勝濕

者豈亦同太過之謂耶帝矍然而起再拜而稽首曰善
○濺音箋淺而疾也

吾得脉之大要天下至數五色脉變揆度奇恒道在於

一瞿然敬肅貌道在於一言至數神轉不廻則不轉

乃失其機神即生化之理不息之機也五氣循環不愆其序是為神轉不廻若却而廻返則逆其常

候而不能運轉乃失生氣之機矣至數之要迫近以微在於一是誠切

近人身而最稱精微者也著之玉版藏之藏府每旦讀之名曰玉機

著之玉版以傳不朽藏之藏府以志不忘名曰玉機以璇璣玉衡可窺天道而此篇神理可窺人道故以並言

而實則珍重之辭也上文自至數以至玉機又見玉版論要篇詳論治類十四

脉分四時無胃曰死

素問平人氣象論〇十一

平人之常氣稟於胃胃者平人之常氣也人無胃氣曰

逆逆者死

土得天地中和之氣長養萬物分王四時而人胃應之凡平人之常受氣於穀穀入於胃

五藏六府皆以受氣故胃為藏府之本此胃氣者實平人之常氣有不可以一刻無者無則為逆逆則死矣胃氣之見於脉者如玉機真藏論曰脉弱以滑是有胃氣終始篇曰邪氣來也驟而疾設氣來也徐而和是皆胃氣之謂大都脉代時宜無太過無不及自

○春胃微弦

曰平

春令木王其脉當弦但宜微弦而不至太過是得春胃之充和也故曰平弦義見前章按此前後

諸篇皆以春弦夏鉤秋毛冬石分四季所屬者在欲明時令之脉不得不然也然脉之迭見有隨時者有不隨時者故或春而見鉤便是夏脉春而見毛便是秋脉春而見石便是冬脉因變知病圓活在人故有二十五變

之妙若謂春必弦夏必鉤則殊失胃氣之精義矣

弦多胃少曰肝病

弦多者過於弦

也胃少者少和緩也是肝邪

但弦無胃曰死

但有弦急而無充和

之氣者是春時胃氣已絕而肝之真藏見也故曰死

胃而有毛曰秋病

毛為秋脉屬金春時

得之是為賊邪以胃氣尚存故至秋而後病

毛甚曰今病

春脉毛甚則木被金傷故不必至秋

今即藏真散於肝肝藏筋膜之氣也

春木用事其氣升散故藏真之氣散

於肝而肝之所藏則筋膜之氣也

金匱真言論曰東方青色入通於肝是以知病之在筋也○藏上去聲下平

聲後皆同○夏胃微鉤曰平

夏令火王其脉當鉤但宜微鉤而不至太過是得夏胃之和也

故曰平鉤多胃少曰心病

鉤多者過於鉤也胃少者少充和也是心火偏勝胃

氣偏衰故為心病

但鉤無胃曰死

但有鉤盛而無平和之氣者是夏時胃氣已絕而心之真

藏見也故死

胃而有石曰冬病

石為冬脉屬水夏時得之是為賊邪以胃氣尚存故至冬而後

病

石甚曰今病

夏脉石甚則無胃氣火被水傷已深故不必至冬今即病矣

藏真通

於心心藏血脉之氣也

夏火用事其氣炎上故藏真之氣通於心而心之所藏則血脉

之氣也金匱真言論曰南方赤色入通於心是以知病之在脉也

○長夏胃微與弱曰

平

長夏屬土雖主建未之六月然實兼辰戌丑未四季之月為言也四季土王之時脉當與弱但宜微有與

弱而不至太過是得長夏胃氣之和緩也故曰平○與軟同

弱多胃少曰脾病

弱多胃少

則過於弱而胃氣不足以土王之時而得之故為脾病

但代無胃曰死

代更代也脾主四季

脉當隨時而更然必欲皆兼和與方得脾脉之平若四季相代而但弦但鈎但毛但石是但代無胃見真藏也

故曰死代脉詳義見本類前
第四章及疾病類二十五
與弱有石曰冬病
脉石為冬脉屬水

長夏陽氣正盛而見沉石之脉以火土氣衰而水反乘也故至冬而病
弱甚曰今病
弱當作石

長夏石甚者火土大衰
故不必至冬今即病矣
藏真濡於脾脾藏肌肉之氣也

長夏濕土用事其氣濡潤故藏真之氣濡於脾而脾之所藏則肌肉之氣也
金匱真言論曰中央黃色入通於

脾是以知病
之在肉也
○秋胃微毛曰平
秋令金王其脉當毛但宜微毛而不至太過是

得秋胃之和也故曰平毛者
脉來浮濇類羽毛之輕虛也
毛多胃少曰肺病
毛多胃少是金

氣偏勝而少和緩
之氣也故為肺病
但毛無胃曰死
但毛無胃是秋時胃氣已絕而肺之真藏

見也故死毛而有弦曰春病

弦為春脉屬木秋時得之以金氣衰而木反乘也故至春木王

時而病

弦甚曰今病

秋脉弦甚是金氣大衰而木寡於畏故不必至春今即病矣

藏真

高於肺以行營衛陰陽也

秋金用事其氣清肅肺處上焦故藏真之氣高於肺肺主

乎氣而營行脉中衛行脉外者皆自肺宣布故以行營衛陰陽也

○冬胃微石曰平

冬令

水王脉當沉石但宜微石而不至太過是得冬胃之和也故曰平石者脉來沉實如石沉水之謂

石多

胃少曰腎病

石多胃少是水氣偏勝反乘土也故為腎病

但石無胃曰死

但石

無胃是冬時胃氣已絕而腎之真藏見也故死

石而有鉤曰夏病

鉤為夏脉屬火冬時得之

以水氣衰而火反侮也故至夏火王時而病

鉤甚曰今病

冬脉鉤甚是水氣大衰而火寡於畏

故不必至夏
今即病矣
藏真下於腎腎藏骨髓之氣也
其氣閉藏

故藏真之氣下於腎而腎之所藏則骨髓之氣也金匱
真言論曰北方黑色入通於腎是以知病之在骨也

○胃之大絡名曰虛里貫鬲絡肺出於左乳下其動應

衣脉宗氣也
土為萬物之母故上文四時之脉皆以胃
氣為主此言胃氣所出之大絡名曰虛里

其脉從胃貫鬲上絡於肺而出左乳之下其動應於衣
是為十二經脉之宗故曰脉宗氣也宗主也本也蓋宗

氣積於膻中化於水穀而出於胃也經脉篇所載十五
絡并此共十六絡詳具十六絡穴圖中○又脾為陰土

義詳疾病
類五十二
盛喘數絕者則病在中
若虛里動甚而如喘
或數急而兼斷絕者

由中氣不守而然故
曰病在中○數音朔
結而橫有積矣
胃氣之出必由左
乳之下若有停阻

則結橫為積故凡患癥者多在左肋之下因胃氣積滯而然如五十六難曰肝之積名曰肥氣在左脇下者蓋以左右上下分配五行而絕不至曰死虛里脉絕者宗言耳而此實胃氣所主也

乳之下其動應衣宗氣泄也

前言應衣者言其微動似乎應衣可驗虛里之胃氣

此言應衣者言其大動真有若與衣俱振者是宗氣不固而大泄於外中虛之候也○愚按虛里跳動最為虛損病本故凡患陰虛勞怯則心下多有跳動及為驚悸慌張者是即此證人止知其心跳而不知為虛里之動也但動之微者病尚微動之甚者病則甚亦可因此以察病之輕重凡患此者余常以純甘壯水之劑填補真陰活者多矣然經言宗氣之泄而余謂真陰之虛其說似左不知者必謂謬誕愚請竟其義焉夫穀入於胃以傳於肺五藏六府皆以受氣是由胃氣而上為宗氣也氣為水母氣聚則水生是由肺氣而下生腎水也今胃

氣傳之肺而腎虛不能納故宗氣泄於上則腎水竭於下腎愈虛則氣愈無所歸氣不歸則陰愈虛矣氣水同類當求相濟故凡欲納氣歸原者惟有補陰以配陽一法

逆從四時無胃亦死

二十

岐伯曰脉從陰陽病易已脉逆陰陽病難已

素問平人氣象論○

陰病得陰陽病得陽脉謂之從從者易已脉病相反者為逆逆者難已脉得四時之順曰

病無他脉反四時及不間藏曰難已

春得弦夏得鉤秋得毛冬得石謂之

順四時雖曰有病無他虞也脉反四時義如下文及不問藏皆為難已不問藏者如木必乘土則肝病傳脾土必乘水則脾病傳腎之類是皆傳其所勝不相假借脉證得此均名鬼賊其氣相殘為病必甚若問其所勝之

藏而傳其所生是為間藏如肝不傳脾而傳心心不傳肺而傳脾其氣相生雖病亦微故標本病傳論曰間者并行指間藏而言也甚者獨行指不間藏而言也五十難曰七傳者死間藏者生七傳者傳其所勝也間藏者傳其所生也皆此之謂考之呂氏註五十三難曰間藏者間其所勝之藏而相傳也心勝肺脾間之脾勝腎肺間之肺勝肝腎間之腎勝心肝間之肝勝脾心間之此謂傳其所生也其說亦通○又玉機真藏論曰五藏有病則各傳其所勝不治法三月若六月若三日若六日傳五藏而當死是順傳所勝之次即此不間藏之義也詳藏象類二脉有逆從四時未有藏形春夏而脉瘦十四○間去聲

秋冬而脉浮大命曰逆四時也

逆反也從順也凡脉之逆從四時者雖未有真

藏之形見若春夏以木火之令脉當浮大而反見瘦小秋冬以金水之令脉當沉細而反見浮大者是皆逆四

也時風熱而脉靜泄而脫血脉實病在中脉虛病在外脉

瀦堅者皆難治命曰反四時也

風熱者陽邪也脉宜大而反靜泄而脫血傷其

陰也脉宜虛而反實病在藏中脉當有力而反虛病在肌表脉當浮滑而反瀦堅者皆為相反難治之證亦猶

脉之反四時也人以水穀為本故人絕水穀則死脉無胃氣亦

死所謂無胃氣者但得真藏脉不得胃氣也所謂脉不

得胃氣者肝不弦腎不石也

人生所賴者水穀故胃氣以水穀為本而五藏又以

胃氣為本若脉無胃氣而真藏之脉獨見者死即前篇所謂但弦無胃但石無胃之類是也然但弦但石雖為真藏若肝無氣則不弦腎無氣則不石亦由五藏不得胃氣而然與真藏無胃者等耳

○黃帝曰

素問玉機
真藏論

凡治病察其形氣色澤脉之盛衰

病之新故乃治之無後其時

察其形氣色澤脉之盛衰
病之新故者是即六十一

難所謂望聞問切之法也既得病情便當
速治若後其時病必日深此切戒之詞也

形氣相得謂

之可治

形盛氣盛形虛
氣虛是相得也

色澤以浮謂之易已

澤潤也浮
明也顏色

明潤者病
易已也

脉從四時謂之可治

脉順四時者其
氣和故可治

脉弱以

滑是有胃氣命曰易治取之以時

設氣來也徐而和故
脉弱以滑者是得胃

氣命曰
易治也形氣相失謂之難治

形盛氣虛氣盛形虛皆為
相失此下四節皆言難治

也色夭不澤謂之難已

天晦惡也
澤枯焦也

脉實以堅謂之益

甚

邪氣來也繁而疾故實以堅者病必益甚

脉逆四時為不可治

脉逆四時義如下文

必察四難而明告之

形氣色脉如上四節之難治者謂之四難必察其詳而明告病家欲

其預知吉凶庶無後怨

所謂逆四時者春得肺脉夏得腎脉秋得

心脉冬得脾脉其至皆懸絕沉瀦者命曰逆四時

春得肺脉

金剋木也夏得腎脉水剋火也秋得心脉火剋金也冬得脾脉土剋水也加之懸絕沉瀦則陰陽偏絕無復充

和之胃氣矣是逆四時之脉也

未有藏形於春夏而脉沉瀦秋冬而脉

浮大名曰逆四時也病熱脉靜泄而脉大脫血而脉實

病在中脉實堅病在外脉不實堅者皆難治

此節與上文平人氣

象論者畧同蓋言脉與時逆者為難治脉與證逆者亦難治也如病熱脉靜者陽證得陰脉也泄而脉大脱血而脉實者正衰而邪進也此義與前大同惟病在中脉實堅病在外脉不實堅者皆難治與上文平人氣象論者似乎相反但上文云病在中脉虛言內積之實者脉不宜虛也此云病在中脉實堅言內傷之虛者脉不宜實堅也前云病在外脉瀋堅言外邪之盛者不宜瀋堅以瀋堅為沉陰也此言病在外脉不實堅言外邪方熾者不宜無力以不實堅為無陽也四者之分總皆正不勝邪之脉故曰難治詞若相反理則實然新校正以謂經誤特未達其妙耳

五藏平病死脉胃氣為本

素問平人氣象論○十三

夫平心脉來累累如連珠如循琅玕曰心平

琅玕按符瑞圓曰玉

而有光者說文曰琅玕似珠脉來中手如連珠如琅玕者言其盛滿滑利即微鉤之義也是為心之平脉前篇脉分四時已悉五藏平病死脉而夏以胃氣為本鉤而此則詳言其形也○琅玕音郎干

病心脉來喘喘連屬其中微曲曰心病喘喘連屬急促相仍也其中微

曲即鉤多胃少之義故曰心病死心脉來前曲後居如操帶鉤曰心死

操持也前曲者謂輕取則堅強而不柔後居者謂重取則牢實而不動如持革帶之鉤而全失充和之氣是但

鉤無胃也故曰心死○平肺脉來厭厭厭厭如落榆莢曰肺平厭厭

聶聶衆苗齊秀貌如落榆莢輕浮和緩貌即微毛之義也是為肺之平脉○聶鳥結切秋以胃氣

為本毛而和也病肺脉來不上不下如循鷄羽曰肺病不上下

往來滯也如循鷄羽輕浮而虛也亦毛多胃少之義故曰肺病

死肺脉來如物之浮

如風吹毛曰肺死

如物之浮空虚無根也如風吹毛散亂無緒也亦但毛無胃之義故曰肺

死

○平肝脉來奘弱招招如揭長竿末梢曰肝平

猶招招迢

迢也揭高舉也高揭長竿梢必柔奘即和緩弦長之義是為肝之平脉○奘音軟

春以胃氣為

本和也

病肝脉來盈實而滑如循長竿曰肝病

形實而滑弦之

甚過也如循長竿無末梢之和奘也亦弦多胃少之義故曰肝病

死肝脉來急益勁如

新張弓弦曰肝死

勁強急也如新張弓弦弦之甚也亦但弦無胃之義故曰肝死

○平

脾脉來和柔相離如鷄踐地曰脾平

和柔雍容不迫也相離勻淨分明也

如雞踐地從容輕緩也此即充和之氣亦微英弱之義是為脾之平脉長夏以胃氣為本

和也病脾脉來實而盈數如雞舉足曰脾病實而盈數強急不和

也如雞舉足輕疾不緩也前篇言弱多胃少死脾脉來此言實而盈數皆失中和之氣故曰脾病

銳堅如鳥之喙如鳥之距如屋之漏如水之流曰脾死

如鳥之喙如鳥之距言堅銳不柔也如屋之漏點滴無倫也如水之流去而不返也是皆脾氣絕而怪脉見亦

但代無胃之義故曰脾死○喙音誨嘴也距權與切雞足鉤距也○平腎脉來喘喘累

累如鉤按之而堅曰腎平冬脉沉石故按之而堅若過於石則沉伏不振矣故必喘

喘累累如心之鉤陰中藏陽而得微石之義是為腎之平脉冬以胃氣為本石而病和也

腎脉來如引葛按之益堅曰腎病

脉如引葛堅搏牽連也按之益堅石甚不

和也亦石多胃少之義故曰腎病

死腎脉來發如奪索辟辟如彈石曰

腎死

索如相奪其動必甚辟辟如彈石其堅必甚即但石無胃之義故曰腎死○愚按十五難所載平病

死脉與本經互有異同如以厭厭聶聶如循榆葉為春平如鷄舉足為夏病藹藹如車蓋按之而益大曰秋平

按之蕭索如風吹毛曰秋死上大下兌濡滑如雀之啄曰冬平啄啄連屬其中微曲曰冬病來如解索去如彈

石曰冬死此皆與本經之不同者也至於如引葛如奪索如鳥之喙如鳥之距真弱招招如揭長竿末稍喘喘

累累如鉤而堅之類又皆不載不知何故異同顛倒若此意者其必有悞或別有所謂耶且難經之異原出本

論學者當以本經為主

三陽脉體

素問平人氣象論○十四

太陽脉至洪大以長

此言人之脉氣必隨天地陰陽之化而為之卷舒也太陽之氣王於

穀雨後六十日是時陽氣太盛故其脉洪大而長也

少陽脉至乍數乍踈乍短乍

長

少陽之氣王於冬至後六十日是時陽氣尚微陰氣未退故長數為陽踈短為陰而進退未定也

陽

明脉至浮大而短

陽明之氣王於雨水後六十日是時陽氣未盛陰氣尚存故脉雖浮大而

仍兼短也○愚按此論但言三陽而不及三陰諸家疑為古文脫簡者是也及閱七難所載則陰陽俱全其言

少陽之至乍大乍小乍短乍長陽明之至浮大而短太陽之至洪大而長與此皆同至謂太陰之至緊大而長

少陰之至緊細而微厥陰之至沉短而敦此三陰三陽之辨乃氣令必然之理蓋陰陽有更變脉必隨乎時也

又曰其氣以何月各王幾日然冬至之後得甲子少陽
王復得甲子陽明王復得甲子太陽王復得甲子太陰
王復得甲子少陰王復得甲子厥陰王各六十日六
六三百六十日以成一歲此三陽三陰之時日大要也
據此二說則逐節推之可知矣○又按至真要大論曰
厥陰之至其脉弦少陰之至其脉鈎太陰之至其脉沉
少陽之至大而浮陽明之至短而濇太陽之至大而長
義若與此有不同者何也蓋此篇以寒暑分陰陽彼以
六氣分陰陽也觀者宜各
解其義詳運氣類三十一

六經獨至病脉分治

素問經脉別論
○十五

太陽藏獨至厥喘虛氣逆是陰不足陽有餘也表裏當

俱寫取之下俞

此言藏氣不和而有一藏太過者氣必
獨至諸證不同鍼治亦異也太陽者勝

膀胱經也太陽獨至則為厥逆為喘氣為虛氣衝逆於上
蓋膀胱與腎為表裏皆水藏也以水藏而陽氣獨至則
陽有餘陰不足矣當於二經取其下俞膀胱下俞名束
骨腎經之俞名太谿腎陰不足而亦寫之以陽邪俱盛
也故必表裏兼寫
而後可過其勢
陽明藏獨至是陽氣重并也當寫陽

補陰取之下俞

陽明者足陽明胃經也陽明為十二經
脈之海而行氣於三陽若其獨至則陽

氣因邪而重并於本藏故當寫胃之陽補脾之陰而
取之下俞也陽明之俞名陷谷太陰之俞名太白少

陽藏獨至是厥氣也蹻前卒大取之下俞

少陽者足少
陽膽經也膽

經之病連於肝其氣善逆故少陽獨至者是厥氣也然
厥氣必始於足下故於蹻前察之蹻陽蹻也屬足太陽
經之申脉陽蹻之前乃少陽之經少陽氣盛則蹻前卒
大故當取少陽之下俞穴名臨泣。卒猝同蹻有五音

踈皎喬脚
又極虐切

少陽獨至者一陽之過也

此釋獨至之義為一藏之太過舉少

陽而言則太陽陽明之獨至者其為三陽二陽之太過可知矣一陽少陽也○六經次序詳疾病類七

太

陰藏搏者用心省真五脉氣少胃氣不平三陰也宜治

其下俞補陽寫陰

太陰者足太陰脾經也搏堅強之謂即下文所謂伏鼓也太陰脾脉本貴

和緩今見鼓搏類乎真藏若真藏果見不可治也故當用心省察其真今太陰藏搏即太陰之獨至太陰獨至則五藏之脉氣俱少而胃氣亦不平矣是為三陰之太過也故宜治其下俞補足陽明之陷谷寫足太陰之太

白一陽獨嘯少陽厥也陽并於上四脉爭張氣歸於腎

宜治其經絡寫陽補陰

一陽當作二陰少陽當作少陰詳此上明三陽下明三陰今此

復言少陽而不及少陰新校正疑其誤者是蓋此前言
太陰後言厥陰本節言氣歸於腎末節復有二陰搏至
之文又按全元起本亦云為少陰厥以四者合之則其
為二陰少陰之誤無疑○二陰者足少陰腎經也獨嘯
獨熾之謂蓋嘯為陽氣所發陽出陰中相火上炎則為
少陰熱厥而陽并於上故心肝脾肺四脉為之爭張而
其氣則歸於腎故曰獨嘯宜治其表裏之經絡而寫足
太陽補足少陰也太陽經穴名崑崙絡穴名飛陽少陰
經穴名復溜
絡穴名大鍾 一陰至厥陰之治也真虛痛心厥氣留薄

發為白汗調食和藥治在下俞

一陰者足厥陰肝經也至即獨至之義治主也

肝邪獨至真氣必虛木火相干故心為痛痛厥氣逆氣也逆氣不散則留薄於經氣虛不固則表為白汗調和藥食欲其得宜用鍼治之乃在下俞厥陰之俞名曰太衝○愚按此篇何以知其皆言足經蓋以下俞二字為

可知也亦如熱論篇傷寒言足不言手之義又如諸經皆言補寫而惟少陽一陰不言者以少陽承三陽而言一陰承三陰而言因前貫後義實相同虛補實寫皆可理會也至若一陰調食和藥一句蓋亦總結上文而言不獨一經為然古經多畧當會其意○痛音淵酸疼也 帝曰太陽藏何象岐伯曰

象三陽而浮也帝曰少陽藏何象岐伯曰象一陽也一

陽藏者滑而不實也帝曰陽明藏何象岐伯曰象太浮

也此下復明六經獨至之脉象也太陽之象三陽者陽行於表陽之極也故脉浮於外少陽之象一陽者少

陽為陽之裏陰之表所謂半表半裏陽之微也故雖滑不實陽明雖太陽之裏而實少陽之表比之滑而不實者則大而浮矣仲景曰尺寸俱浮者太陽受病也尺寸俱長者陽明受病也尺寸俱弦者少陽受病也義當參

會太陰藏搏言伏鼓也

此即釋上文太陰藏搏之義伏鼓者沉伏而鼓擊即堅搏之謂

仲景曰尺寸俱沉細者太陰受病也

二陰搏至腎沉不浮也

二陰少陰腎經也二陰搏

而獨至者言腎但沉而不浮也詳此明言二陰之脈而前無二陰之至前有一陰之至而此無一陰之脈信為古經之脫簡而上文一陽少陽之誤即此節也仲景曰尺寸俱沉者少陰受病也尺寸俱微緩者厥陰受病也

寸口尺脈診諸病

素問平人氣象論○十六

欲知寸口太過與不及寸口之脈中手短者曰頭痛

寸口

氣口也詳見藏象類十一短為陽不及陽不及則陰湊之故頭痛一日短者短於下也脈短於下則邪并於上去聲下同

寸口脈中手長者曰足脛痛

長為陰不足陰不足則陽

溱之故 寸口脉中手促上擊者曰肩背痛 脉來急促而足脛痛

陽邪盛於上也 寸口脉沉而堅者曰病在中 沉為在裏 堅為陰實

故病 寸口脉浮而盛者曰病在外 浮為在表 盛為在外 寸口

脉沉而弱曰寒熱及疝瘕少腹痛 沉為陽虛弱為陰虛 陽虛則外寒 陰虛則

內熱故為寒熱也 然沉弱之脉多陰少陽陰寒在下故為疝瘕為少腹痛 下文曰脉急者曰疝瘕少腹痛當

與此參看疝積聚也 ○疝音 寸口脉沉而橫曰脇下有

積腹中有橫積痛 橫急數也 沉主在內 橫主有積 故脇腹有積而痛 ○仲景曰積者藏病也

終不移聚者府病也 發作有時展轉痛移為可治 諸積大法脉來細而附骨者乃積也 寸口積在胃中微出寸

口積在喉中關上積在臍旁上關上積在心下微下關積在少腹尺中積在氣衝脉出左積在左脉出右積在

右脉兩出積在中寸口脉沉而喘曰寒熱喘急促也脉沉而喘熱在

內也熱在內而為寒熱即脉盛滑堅者曰病在外陽脉諸禁鼓慄皆屬於火之謂

故病脉小實而堅者病在內陰脉而堅故病在內脉小弱以濇謂

之久病小弱者氣虛濇者血少脉滑浮而疾者謂之新

病滑而浮者脉之陽也陽脉而疾脉急者曰疝瘕少腹

痛疝急者陰邪盛故脉滑曰風滑脉流利陽也風性動

脉濇曰痺濇為陰血不而滑曰熱中緩因胃熱滑

足也故當病痺緩而滑曰熱中以陽強故病

熱中啓玄子曰緩謂縱

盛而緊曰脹

盛則中氣滯緊則邪有餘故為脹也

臂多青脉曰脱血

血脱則氣去氣去則寒凝凝泣則青黑故臂見青色言臂則他可知矣即

診尺脉緩瀋謂之解

解者尺主陰分緩為氣衰瀋為血少故當病解解者困倦

難狀之名也

安卧脉盛謂之脱血

凡脉盛者邪必盛邪盛者卧必不安今脉

盛而卧安知非氣分陽邪而為陰虛脱血也此亦承上文尺脉而言凡尺脉盛者多陰虛故當脱血尺瀋

脉滑謂之多汗

謂尺膚瀋而尺脉滑也尺膚瀋者營血少也尺脉滑者陰火盛也陽盛陰虛故

為多汗陰陽別論曰

尺寒脉細謂之後泄

尺膚寒者脾陽加於陰謂之汗

主肌肉四支也尺脉細者腎之陽衰以脾腎虛寒故為後泄脉尺麤常熱者

謂之熱中

尺蠱為真陰不足常熱為陰火有餘故謂之熱中也

三診六變與尺相應

靈樞邪氣藏府病形篇○十七

黃帝問於岐伯曰余聞之見其色知其病命曰明按其脉知其病命曰神問其病知其處命曰工余願問見而

知之按而得之問而極之為之奈何

見五色者望其容貌之五色也按脉者

切其寸口之陰陽也問病者問其所病之緣因也知是三者則曰明曰神曰工而診法盡矣六十一難曰望而知之謂之神聞而知之謂之聖問而知之謂之工切脉而知之為之巧是謂神聖工巧蓋本諸此岐伯

答曰夫色脉與尺之相應也如桴鼓影響之相應也不

得相失也此亦本末根葉之出候也故根死則葉枯矣
色脉形肉不得相失也故知一則為工知二則為神知

三則神且明矣

此言色脉形肉皆當詳察在色可望在脉可按其於形肉則當驗於尺之皮膚

盖以尺之皮膚診時必見驗於此而形肉之盛衰槩可知矣夫有諸中必形諸外故色之與脉脉之與形肉亦猶桴鼓影響之相應本末根葉之候不相失也三者皆當參合故知三則神且明矣桴擊鼓槌也○桴乎浮二

音

黃帝曰願卒聞之岐伯答曰色青者其脉絃也赤者

其脉鈎也黃者其脉代也白者其脉毛黑者其脉石

主肝

木其色青其脉絃心主火其色赤其脉鈎脾主土其色黃其脉代肺主金其色白其脉毛腎主水其色黑其脉

石五脉義見前十一見其色而不得其脉反得其相勝之脉則死

矣得其相生之脉則病已矣

不得其脉言不得其合色之正脉也相勝之脉如青

色得毛脉以金尅木之類是也相生之脉如青色得石脉以水生木之類是也

黃帝問於岐伯

曰五藏之所生變化之病形何如岐伯荅曰先定其五

色五脉之應其病乃可別也黃帝曰色脉已定別之奈

何岐伯曰調其脉之緩急小大滑濇而病變定矣

緩急以至

數言小大滑濇以形體言滑不濇也往來流利如盤走珠濇不滑也虛細而遲往來覺難如雨露沙如刀刮竹六者相為對待調此六者則病變可以定矣○愚按此節以緩急大小滑濇而定病變謂可總諸脉之綱領也

然五藏生成論則曰小大滑濇浮沉及後世之有不同者如難經則曰浮沉長短滑濇仲景則曰脉有弦緊浮沉滑濇此六者名為殘賊能為諸脉作病也滑伯仁曰大抵提綱之要不出浮沉遲數滑濇之六脉也所謂不出乎六者以其足統夫表裏陰陽虛實冷熱風寒濕燥藏府血氣之病也浮為陽為表診為風為虛沉為陰為裏診為濕為實遲為在藏為寒為冷數為在府為熱為燥滑為血有餘濇為氣獨滯此諸說者詞雖稍異義實相通若以愚見言之蓋總不出乎表裏寒熱虛實六者之辨而已如其浮為在表則散大而沉為在裏則細小而伏可類也遲者為寒則徐緩濇結之屬可類也數者為熱則洪滑疾促之屬可類也虛者為不足則短濡微弱之屬可類也實者為有餘則弦緊動革之屬可類也此其大槩皆亦人所易知者然即此六者之中而復有大相懸絕之要則人多不能識也夫浮為表矣而凡陰虛者脉必浮而無力是浮不可以槩言表可

升散乎沉為裏矣而凡表邪初感之甚者陰寒束於皮毛陽氣不能外達則脉必先見沉緊是沉不可以槩言裏可攻內乎遲為寒矣而傷寒初退餘熱未清脉多遲滑是遲不可以槩言寒可溫中乎數為熱矣而凡虛損之候陰陽俱虧氣血敗亂者脉必急數愈數者愈虛愈虛者愈數是數不可以槩言熱可寒涼乎微細類虛矣而痛極壅閉者脉多伏匿是伏不可以槩言虛可驟補乎洪弦類實矣而真陰大虧者必關格倍常是強不可以槩言實可消伐乎夫如是者是於綱領之中而復有大綱領者存焉設不能以四診相參而欲孟浪任意則未有不覆人於反掌間者此脉道之所以難言毫釐不可不辨也

黃帝曰調之奈何岐

伯荅曰脉急者尺之皮膚亦急脉緩者尺之皮膚亦緩脉小者尺之皮膚亦減而少氣脉大者尺之皮膚亦賁

而起脉滑者尺之皮膚亦滑脉濡者尺之皮膚亦濡凡

此變者有微有甚

調察也此正言脉之與尺若桴鼓影響之相應而其為變則有微有甚蓋

甚則病深微則病淺也論疾診尺篇曰審其尺之緩急小大滑濇肉之堅脆而病形定矣義與此同見下章○

賁於奔二音大也沸起也故善調尺者不待於寸善調脉者不待於

色能參合而行之者可以為上工上工十全九行二者

為中工中工十全七行一者為下工下工十全六

此正本大

根葉之義也以尺寸言則尺為根本寸為枝葉以脉色言則脉為根本色為枝葉故善調尺者不待於寸善調脉者不待於色也然必能參合三者而兼行之更為本末皆得而萬無一失斯足稱為上工而十可全其九若

知二知一者不過中下之材故所全者亦惟六七而已
然曰六曰七者輕易者在前也曰八曰九者最難者在
後也易者何難之有難者豈易言哉此其等差
雖分上下而成敗之賢不肖其相去也天壤矣

診尺論疾

靈樞論疾診尺篇○十八

黃帝問於岐伯曰余欲無視色持脉獨調其尺以言其

病從外知內為之奈何

欲診尺以知藏府故曰從外知內

岐伯曰審其

尺之緩急小大滑濇肉之堅脆而病形定矣

寸口之脉由尺達寸

故但診尺部之脉其內可知通身形體難以盡見然肉
之盛衰必形於腕後故但察尺部之肉其外可知是以
獨調其尺而視人之目窠上微癰如新卧起狀其頸脉
病形定矣

動時欬按其手足上窅而不起者風水膚脹也

目窅目下臥

處也癰壅也即新起微腫狀頸脉人迎脉也窅而不起按之有窩也是即風水膚脹之外候風水義見疾病類

三十一膚脹義見疾病類五十七○窅音科癰去聲窅音夫

尺膚滑其淖澤者風也

陽受風氣故病風者尺膚滑而淖澤也

尺肉弱者解佻安卧脱肉者寒熱

不治

尺肉弱者肌必消瘦肉瘦陰虛當為解佻解佻者身體困倦故欲安卧無邪而脱肉寒熱者真陰敗

也故

尺膚滑而澤脂者風也

澤脂即前淖澤之謂風者陽氣陽在肌膚故滑而澤

脂尺膚濇者風痺也

尺膚濇者血少血不能營故為風痺

尺膚麤如枯魚

之鱗者水泆飲也

如枯魚之鱗乾濇甚也以脾土衰而肌肉消水得乘之是為泆飲又下篇

肝脉瀦甚為溢
飲○洪溢同

尺膚熱甚脉盛躁者病温也其脉盛而

滑者病且出也

尺膚熱者其身必熱脉盛躁者陽邪有餘故當為温病若脉雖盛而兼滑者是

脉已不躁而正氣將復故
不久當愈出漸愈之謂

尺膚寒其脉小者泄少氣膚寒

脉小陽氣衰也故為泄為少氣

尺膚炬然先熱後寒者寒熱也尺膚先

寒久大之而熱者亦寒熱也

炬然火熱貌或先熱而後寒或先寒而後熱皆寒熱

往來之候肘所獨熱者腰以上熱手所獨熱者腰以下熱肘臂

髀之節也一曰曲池以上為肘肘在上手在下故肘應腰上手應腰下也

肘前獨熱者膺前

熱肘後獨熱者肩背熱

肘前內廉也手三陰之所行故應於膺前肘後外廉也手太陽

之所行故

應於肩背臂中獨熱者腰腹熱

肘下為臂臂在肘後麤

下故應腰腹

以下三四寸熱者腸中有蟲

肘後麤以下三四寸謂三里以下內關以上之所此

陰分也陰分有熱故應腸中有蟲

掌中熱者腹中熱掌中寒者腹中寒

掌中者三陰之所聚故或熱或寒皆應於腹中

魚上白肉有青血脉者胃中有

寒

魚上脉青胃之寒也經脉篇亦曰胃中寒手魚之脉多青矣魚義見經絡類二


尺炬然熱人

迎大者當奪血尺堅大脉小甚少氣惋有加立死

尺炬然熱

火在陰也人迎大者陽之勝也故當失血若尺膚堅大而脉則小甚形有餘而氣衰少也陰虛既極而煩惋再

○加故當立死
惋美本切



類經卷五